



特へ 16
2752
24



門 16
號 2752
卷 24

丹州山人四部稿卷之一百

吳郡王世貞元美著

文部

行狀五首

明故工部尚書致仕進階榮祿大夫承庵胡公
行狀

徽有工部尚書胡公者諱松字茂卿別號承庵其郡
之績溪人也先世自吳興而徙六世祖桂林府幕子
原傳容縣令士俊士俊傳景和景和傳庸庸傳有明
有明傳淳俱負隱德蓋至有明而以公贈至淳而以

丹州山人稿

卷之二

昭和十六年
十一月十九日
購求

公封皆雲南叅政有明娶於馮淳娶於方贈封皆淑
人則公之祖母及母也公少長美風神善舉止其出
入人固目屬之矣為邑諸生工屬文正德癸酉舉應
天試其明年甲戌成進士授嘉興推官亡何御史按
嘉興部顧守訊謀囚大小云何守錯愕不知所對公
從旁代對甚悉御史大竒之曰推受事未渠旬也而
乃能爾即奚難浙東西牒也自是有所按部輒挾公
徃而公以平反無害能佐御史威惠稱召入拜江西
道御史嘗疏論臨清皇店謂中貴敬緹帥寧不當以
嬖倖牟民利不報出按山東益矯矯持風裁墨吏咸

望風解印綬去而會意有所不可移疾還里至

肅皇帝之六年病良已復除浙江道王太原某者材
臣也而儉故嘗比倖將彬以臺抨戍矣時楊文忠廷
和實當國而會桂文襄以言禮驟貴惡楊文忠而善
太原假邊事薦之為陝帥公極疏論太原併侵桂忤
旨下遷廉州府推官時桂方貴倨甚御史程啟充周
在至以論解公得杖北闕下而太原婁遷繼桂拜太
宰人或謂公且無徃公曰逐臣敢後計耶單車趣之
任有守璫據民荔枝園者公奪之民璫戒是強項推
不難宰臣而難我謹避之耳尋量移同知廣信府未

世經堂
上進福建按察僉事泉庫失千金持守者獄甚迫公
獨疑之曰守者僂行子耳且盛夏單練安所取匿出
窮詰之則攝倅與吏為奸悉論如法永春吏人追嶺
寇者道山鄉鄉人驚相拒即縱擊捕得四十餘人以
為真寇自誣服公察其寃釋之衆大懽服尋即其地
分守為布政司叅議泉故有院以居癘疾者其地重
勢家幾得之請於上移院城外島公獨持不可曰縣
官念此曹且死衣廩之卒移島絕遠立斃為人臣不
能明上生德何居遂寢亡何以河南按察副使飭兵
大名公為大名益有聲遂進雲南右叅政會以國

慶獲錫典俄轉貴州按察使貴酋安萬銓有所任易
非者虎而翼御史屬萬銓從子仁為致棊仁即稱病
公移書諭之仁來見御史下仁獄夷衆闕擁仁去洵
洵且亂公重移書仁言利害甚切仁乃請罪縛棊自
效事得解進廣東右布政使轉左以母憂歸服除仍
故官屬歲侵用公笑全活老弱萬計拜都察院右副
都御史督理河道再以故官總督漕運兼撫江北公
之為河道也前使詹者以河決議開趙皮寨支河殺
水勢公謂聞趙皮不知孫家渡近省費可十倍詹特
佐司寇力阻之而其督漕時以淮新城據河衝時時

潰版築公謂河不易抗宜徙而疏入海亦以遷去弗
果然代公者後先卒用公議以濟公他所創轉漕法
洗清江浦宿蠹著為禁令又嘗疏罷淮安鳳陽二墨
守鳳陽守行千金中貴人居間弗顧也公之入為戶
部右侍郎徙左及提督太倉俱未甚遂拜工部尚書
相嚴方重用事而伊王恣欲拓其洛陽邸計直且十
萬金以十二賊嚴業許之矣公疏謂非祖宗制且時
詘勿許便相嚴意不憚然卒無以奪也時虜大入寇
而咸寧侯鸞以邊衆入衛得幸欲悉移其衆京師移
武庫仗于營以便給調公謂邊兵外也而內武庫仗

內也而外甚非所以重肘腋杜微慎防也執弗許公
念部事日益棘而二憾無已時禍且叵測惴惴成疾
時對客立忽仆乃上疏乞骸骨詔許之公歸疾漸損
而封叅政公尚無恙公以歲時置酒會父宗舊奉觴
上壽叅政公歿而父執禮悲慕如少孺也友愛其弟
栢痛不及公歸而逝語次輒嗚咽不自禁所循撫真
猶子矣嘗病其族食指衆而室隘不能逮先損地為
樓六楹合族之主而叙居之曰禮可以義起也公既
家居久而臺察守相干旒相屬公不復及私第默為
德於鄉而已都御史周公如斗御史劉君世魯嘗疏

公齒德乞存問報聞公恂恂恭謹長者出入時徒步
遇孺子與類敵禮即田父屢叟探歲功較物賈纏纏
語不休也少為詩與邊歷城貢方棠陵豪倡和在伯
仲間行草流俊有法然務以自媮志而已不欲有縉
紳間聲公以弘治三年閏九月十四日生以隆慶六
年七月二十有七日卒春秋八十有三嘗以隆慶
廟恩進階當得一品配汪氏封淑人先公卒側室安
氏程氏有丈夫子三長廷傑太學生娶於程亦先卒
次廷傑太學生娶於周皆淑人出也次廷默娶於汪
安出也女一適許來孫男十人堅塙塙垣陞堂陞塾

某某孫女六人廷傑將舉公塋而屬同邑戴君偉略
次其事來徵狀於不佞曰先公志也夫先公固知世
有執事文矣不佞當已庚時嘗望見公顏色朝行中
已又一接公緒論以為恭儉搏節君子也虜大入公
卿將相腰糗備而口戎務即致命遂志無踰此者公
逡巡而陳乞骸之疏不自虞忤雖內迫於相嚴外迫
於侯鸞而計無所之公固無匿力也 天子方按朝
籍而責九卿怠緩之罪非死而徙耳獨寬然縱公以
其官歸知公無匿情也公歸二十餘載而用壽考功
名終當時所謂公卿將相毋論若隔世即虜亦再納

欵質子矣戴君又言公治河所部濟而濟有夏相父
祠夏以屬公佯若弗聞也者夫公一論劾太宰再左
權相抑悍王折倖侯幾身殉者數矣而卒不廢此豈
亦天幸哉不佞竊負知公故不辭延然而為狀以俟
太史之采

明故嘉議大夫南京兵部右侍郎盧齋王公行

狀

王公諱積字子崇其先為揚之儀真人有諱思保者
高皇帝時從軍轉徙太倉衛因遂為太倉人思保子
貞貞子海海子原俱不仕原子成即封武選主事公

也武選公娶於蕭而生公少穎敏天植純篤既長益
自刻苦讀居恒達丙夜冬則擁被膝坐夏置兩足木
罌中避蚊蟲時陸先生安甫者知名士也見公文而
歎息曰少遲之必為國器而公既出試輒不利於有
司久之始以諸生擢應天薦為正德己卯明年復會
試時天子方南狩待次復久之明年為辛巳賜對
甲第授兵部武選司主事以

先帝登極恩封公父如其官母蕭為安人而公竟以
二親不便養乞南得禮部主客司主事至則迎武選
公蕭太安人以養時時備珍甘奉武選公鍾山大江

間武選公故以老強起為歡已而疾日益平公尋遷
南京兵部車駕司員外郎進武庫司署郎中滿六載
實授武庫故所隸風馬船千餘艘以備上供物郊廟
香幣軍需甲仗者分屬諸衛每一船散轍責衛校士
自補破產者相望至自雉經溺水以徇長年二萬餘
散攝諸郡縣吏因緣為隱匿至者僅六千人船日
減耗公既任武庫久孰計利弊十餘事上之部為言
於朝始以武庫餘羨水衡錢治船不以累衛校士而
郡縣所隱匿長年悉出為官用著為令嘉靖己丑遷
廣東布政司左叅議治糧儲公念廣儲筭未有定乃

復考利弊十二事一曰時會派二曰通撥運三曰給
戶由四曰定本折五曰處厥墊六曰設部運七曰定
腳價八曰謹收支九曰覈屯課十曰議儲蓄十一曰
處虛糧十二曰處寺田上撫按行之廣民繇是稍稍
蘇矣而公所部新寧新會恩平盜積為剽劫十餘年
不已守令噤不敢言兵盜益熾公奮然請得身當之
而總督林公富亦才公悉以兵事委焉公條議賊有
當剿者四有可破者六林公報可與公謀以十月發
諸道師嶺西師自恩平峴岡入嶺南師自龍眠入舟
師自龍學水入合擊大破之鹵獲以千計盜遂平撫

按議首上公功公遂巡避弗敢當捷聞賜文綺一金
十兩辛卯入賀 萬壽還省武選公蕭太安人公念
二尊人益以老擬請急得扶持而為武選公所尼乃
留其婦陳安人養居無何太安人竟卒公獨身跳而
奔喪晝夜哭泣日盡燹服且除武選公病痿公手調
湯藥旦夕侍左右因上章乞致仕不報至丙申武選
公復卒公哀毀盖有加喪塋傳禮戍戍服除謁吏部
選鄉人有當國者意公徃或私之公謝弗肯徃歲餘
不調至鬻衣自給廼上章乞休吏部愧而除公陝西
左叅議公所治平涼平涼為韓國宗屬數百千人咸

仰廩縣官不時給則聚而鬻前治平涼者多轉徙他
郡避之公獨不可為委曲計處廩之且徧韓王感約
束其宗屬曰若曹慎聽王叅微王叅吾安所得食耶
公嘗謁召伯祠故有泉久涸公入拜而泉復陝人
異之庚子遷貴州按察副使治威清威清為故鬼方
地其人羯獫公推誠輔術而行嘗捕得其劇盜張勝
俞助等小暇則擇取其子弟資異者教之自是科第
比比歲與滇粵埒癸卯監其省試甫畢而遷湖廣右
叅政時方有苗難進賢萬公鏜起家為都御史討之
聞公遷喜顧其屬曰賊不足平矣因促會公謀賊有

糯塘山圍者最衝而堅衆議亟攻之公獨謂攻圍固首計第賊方欲以堅老我不若以輕兵綴圍而別選精銳從間道破其餘巢餘巢破圍膽奪矣兵法所謂攻瑕則堅者瑕是也萬公曰善遂如公言進師而會柄臣有脩貴者御史際者摘試錄中誤株累公謫兩浙轉運副使萬公上疏力留公不報然竟用平苗功賜金一十五兩公之副轉運自藩臬尊官未謂且不憚而公益安之居歲餘遂為本省按察僉事明年為按察副使又明年為福建右叅政都御史朱公統方議防倭寇下諸道規兵食久未報公至勾宿牘稽逋

數所以條對甚詳朱公既素賢公至是乃上疏薦公自代且引宋蘇洵氏言必代已有賢者而後可以死論鹵斬倭功賜金十兩已酉進山東按察使遂為左布政使尋入閩為左所至有治行庚戌遂進都察院右副都御史巡撫山東是時京輔新中虜而山東為左臂調發固倍屣恒日公夙夜謀所以善後者曰飭軍務處糧餉備灾荒議保甲革冗員薦逸才疏凡十餘上廷議倚為重明秋有虜警言公勒勁騎擐甲駐臨清以俟報會虜退乃已公之為山東務持大體不為一切苛煩責小辦治而吏民畏懷之若一壬子天

子念公賢特為遷南京兵部右侍郎以優公而公久
勞苦兵事目漸青乃上疏乞骸骨辭懇甚吏部具公
政術而為言所以欲歸狀乃得致仕公歸杜門不復
與時事海內士大夫日冀公復起而公肯益甚竟坐
廢公雖以青廢然歲時行園具酒食聚親族談說鄉
里事以為樂間召所厚故人雍容杯酒論文義竟日
不倦如是者十六年而卒公為人恂恂長者遇大事
片言立決一茫然襲人和而中耿介非其義毫髮
不可干其游宦時多從故魏恭簡公呂文簡公鄒文
莊公游其講究道術甚暫然不欲以名於人所歎歷

省政績甚偉問之絕不肯道居官三十載被服衣
素若儒生不為家而姊弟多濡澤者位三品京朝官
以懿德尊世而待里人子童孺均於敵為文章典雅
有度博識故典驟而遇之若空空然於鄉黨寬抑時
有排解閔之絕不令知所自予兄濟美先生意不可
一世士顧獨善公且嚴重之曰子崇吾所不敢望也
嗚呼公真所謂鄉先生沒而可以祭於社者矣公生
以弘治卒以隆慶元年丁卯八月某日春秋七十有
六娶即陳安人有女德莊事公終始先三年卒詳見
陸光祿先生誌中子懋學懋良諸孫某某公官三品

於法當賜祭及葬而懋學等尊遺命未敢請將以某
月某日窆於新阡而屬王君復亨采公略屬世貞不
佞少且賤於公無能為重竊念先司馬撫山東時嘗
與公代而世貞又從公里閭間竊習公以為庶幾無
愧太丘有道之風故不辭而為之狀至所以不朽公
於幽而勸天下於明者則有邦之士大夫與立言君
子在不佞何敢干之謹狀

錦衣衛百戶懷南楊君行狀

君諱仁懋字君實世為吾太倉人有支族於魏隸籍
錦衣衛遂亦稱其衛人初名質後更今名君年十二

而王父宗禹困離家訟得疾坊兄弟弱不任中外政
有悍僕且叛去君請於族縛奴培白槌擊之且死而
後逐之家近六公市市人或少君不為禮君不憚歸
市自是絕跡矣既冠乃謂其兄弟曰吾先人之大故
也以訟吾不可以不白其離業以解欲中止君不可
竟勝之而後歸葬也然自是日益貧君一旦慨然歎
曰丈夫安得終齷齪田畝以蕃特犢柴車荷一具鍾
埋七尺耶獨身之京師叩公車門上書請益東南海
戍廣斥堠為腹心保障不報當是時海固無警而易
君言且以為狂君自是久困公車間然稍穎脫見其

金州山人稿卷之百
世經堂
叅伍鈎鉅之技而中貴人司大官水衡者聘君往以
為司計君鈎覈出入數塞其旁漏卮而稍寬其內公
私盡裕中貴人善之著為繫式嘗從

先帝幸承天用供億亡害賚白金還往乘傳君尋倦
其後謝去更籍太醫有冠服矣買大第長安里日過
從賢士大夫益市牛酒為歡一時翕然稱之謂有陳
遵鄭當時風而所幸愛故人衣食其家若歸居數年
廢箸轉徙貧逾於舊然所幸愛故人過從士大夫交
口譽之君名日以盛陸太保炳者督錦衣緹騎初亦
有所疑數司君久更以為賢檄之幕俾充緹騎伍長

領鈎察當是時太保貴倨甚而緹騎橫所察其人非
死即家立破而身資緣從恣姦利更籍以取功名至
得帥君獨持大體務為寬平長者數數戒其下慎之
毋令西曹郎吏腹誹我錦衣一片地有天無日也而
太保心愧之乃更積君勞試百戶矣會倭寇起東南
亡所不躡君昔言頗以讎而其於邊事益習氣益發
舒深語不諱先後輔相徐公李公及今高公張公奇
君才以語揚大司馬而檄之邊佐總督籌畫時虜廷
益徙近塞所招納亡叛以十萬計號為陔升其壯者
勒習騎射度入寇輒用以嚮導餘卒耕蓄自給稍稍

收其羨以贍虜益富強而中國自鎮城外輒棄為駝
脫不復墾旦夕仰度支芻粟稍不繼即坐槁君殊恨
之乃行求近地稍腴而易自保者召丁壯田之盡鬻
其家貲以充牛具穀種居二歲所收羨逾於出旁產
益拓君又募死士給以衣甲善馬使訶伺虜他出即
掩其穹廬鹵子女或盜其橐駝騊駼百十群以歸久
之虜情益得君歎曰是陔升可誘而致也令縣官畢
我力我能使陔升挾其虜酋來即不可而能使陔升
自疑虜亦疑陔升上下交疑而我乘其間功可全有
也為書上之大帥及圖畫虜中形勢與防禦攻取之

法甚詳所以用君策或未盡即用之或不必讎而虜
中人懾君間來歸者比比大帥第君功第一賜白金
予百戶實級錦衣朱太保推轂君協理西司房日益
貴重用事而君且病矣君之得隸錦衣幕也蓋多先
御史大夫公力云而先大夫之督薊遼也遼東病饑
人相食君時有行役杖馬箠叩門請得通登萊餉先
大夫大悅收君策而禮之又時時資其家迨先大夫
罹謗傳爰書君歲時橐饘銳意居間請救百方不已
也居平慷慨語不肖曰人生旦暮死耳即死得足下
一言曰故義士楊君傳足矣蓋又數年而不肖家難

白強起游趙魏間抵君書曰得無有意乎楊君傳哉
君業卧床第報曰吾雖病小緩之更一二歲可傳也
蓋君陰已得虜竅謂陔升且有變庶幾如嚮者策有
功名也而君病益甚亡何卒君卒之二載而虜酋縛
陔升之魁十餘來款塞賜封如呼韓邪故事 天子
所以冊拜將相大臣典物極厚然亡能名楊君笑者
嗟哉君為人高鼻深目面骨隆隆起強力自給見語
一義事眉端栩栩色喜也遇人有緩急即投袂而應
之雖中夜扣門亡不立應也即以翌日突烟冷計無
所之而方夜宴客且滿數十人婦簪珥衫袂歲朝在
酒家所不恒歸索故楊太常仲芳當伏法哭之市又
嘗經紀沈光祿子剛喪其二家子弟相通問如骨肉
君之北上也則墓隧毀矣五服之內無解裝者迨其
貴而歸餘奉高大其墓立戟斥置旁墓田丙舍為蒸
嘗資以其餘穀贍貧族歲為常君歿而不能具棺歛
諸與君善者為調費也可謂節俠沾沾自信者矣君
享年六十始娶陳氏有一女適姚李繼蘇氏有一子
文淵慷慨善騎射亦隸錦衣領緹騎伍娶倪氏女一
適劉思廉蓋君歿之二年而文淵以狀請文淵所為
狀請者謂不肖知君深將邀惠於鉅公賢大夫以不

朽君於異日不肖有成言矣其為死者請則傳之為生者請則狀之唯鉅公賢大夫擇焉以使不肖有辭地下謹狀

太學生金君三園行狀

何知仁義已嚮其利者為有德誠哉乎鄙人言之也夫計然白圭之流業已試其術於國讎而復用之於家度無論烏保程卓已其人咸磊落饒大筴雅非齷齪傭伍也彼其才有所傳而其志乃更有所托然至雜取士道潤色文雅寥寥竟千載無見焉何哉王先

生曰余不及面金君及觀君之遺集與吳生所次叙未嘗不三歎也蓋君為諸生入太學習制科業且就

已棄去弗顧曰吾安能旦夕拮据鉛塹也歸從其父雪峰公商大江北監鹽蘆石往來淮揚間君於利不為乾沒苛取其審畫密驚如千鈞之弩不輕發發必破的豁達善任使大小中器以故揮霍千金立去來無闕君雖匿跡賈所至與其大人長者游而又好為詩其詩即社中稱名家者不能有所加君詩曰益貴有聲郡邑守令時時造請君君意殊不自得曰即不肖柰何以郡邑守令重乎始雪峰公舉君而母劉卒育於嫡母汪君痛不及劉時時獨飲泣枕席間為漬

旦夕奉雪峰公及劉極淳備會汪卒工為圖其像不得伏而思俄若有見者下筆而汪之像儼然雪峰公亦繼卒君哭毀甚治喪喪車且數千兩芝生墓者再鄉人豔稱之目其堂曰孝芝云君既已畢塋則復之淮陰賈所置酒與昆弟高宴發橐中裝直數千金畀之還休寧有四男子俾俱受經生經鄉里間風君曰公家幸富柰何不使一郎君嘗省而人棄之儒君咲曰諸兒能儒者吾不貲矣即勸君胡弗仕君曰吾寧商而儒今仕商也吾弗敢為也君素強無疾夏有疾遂不起既革縷縷條後事不爽也君諱塘字伯獻別

號三園其先宋司農公葵世居休寧之中市 明興

有仲善公者以文母害為郡獄掾郡有疑獄株累眾仲善公故焚牘以身抵戎伍所全活數百人人人祝仲善公有後大父萬全公負隱德父即雪峰公諱顯耀者也娶夏氏生四子伯鉉娶福建布政司叅議黃福女次仲塗娶吳珙女俱庠生次叔鑿娶吳綱女次季鈍太學生娶浙江按察司副使邵齡女女三人長適葉津次適汪進次適吳成周孫男三人長洵聘夏舜卿女次淦未聘次洵聘太學生汪良舉女孫女四長許聘汪奎子次許聘何元象子次許聘太學生汪

應利子次許聘夏佳子君生以巳巳十一月二十八日卒以甲子六月二日享年五十有六伯鉉等將以乙丑某月日葬於某山以書介吳士錢穀來請曰先生今中郎吏部也即季次原憲身自致金石何所賴先生為先生其幸狀之死且不朽余哀而許焉問誰當銘曰將走閩謁今中丞汪公嗚呼若四子者可謂能善用孝矣

顧母杜孺人行狀

顧太孺人者杜氏杜之先與顧俱以醫稱吳中其業相上下而顧特多顯徵為侍醫孺人父曰恒庵公其人長衆流也雅已異顧庶庵公而庶庵公蓋嘗娶於葉歿業聞孺人賢委禽焉太孺人之事庶庵公恭甚其撫葉所遺孤而字之也如已出庶庵公故饒財然宕而重去其鄉僅以貲受七品階而多從詩酒人放浪山水間孺人日夜飭治厨傳精餉醴以待即客非時至取咄嗟辦無爽庶庵公繼母宋尚無恙性嚴火可乃獨安孺人久之庶庵公病捐館孺人有二子曰亨曰奕俱幼孺人啼而治喪事指二子曰吾不即從若父地下豈難死矣然自是家稍稍匱孺人乃廢箸轉依其兄家**辨辨**佐二子讀夜分燈熒然時好為

約曰吾女紅孰與而書誦多也以故二子俱業成從
有司不利亨乃改習書奕繇先人醫先後徵數遷亨
直文華殿為太常丞奕御醫二子之以祿養孺人者
亨二十年奕三十年孺人前六十時二子固已走故
張文敏顧文康許文簡張文隱尚書秦端敏諸名公
文觴孺人至九十乃獨奕在然諸名公則益慕異之
今太師嚴公太傅徐公太保李公相與為詩文辭甚
至奕築室燕京里中奉孺人也太傅公扁其軒曰人
瑞為之記大指以上治化亭決和氣薄海內孺人
母子間更相瑞如此縉紳大夫得太傅公言愈益慕
異孺人矣孺人中多疾嘗因不起可三歲晚而安奕
養髮盡白已一二黑齒有更生者忽坐語奕婦曰而
夫姪七月生日者言當貴吾謂即長大足矣乃今竟
遂驗耶吾一再病不支而夫日夜禱請代令我忘困
亨沒而夫含辛而強笑令我忘哀吾不能甘糲糲而
夫益斥置脩糲柔脆輕靡溫麗之食服令我忘老屬
者喪而舅吾不敢忘敝葦羸塋也而夫市材於楚直
百金焉令吾忘歸而夫之子然也吾私恨無天乎乃
今有子矣復戒婦無施僧無易朴臧獲毋教夫子徐
命酒進四杯卧栩栩然適也次日遂病奕驚進藥

弗肯受遂卒卒就歿顏如生孺人生以成化乙酉六月九日卒以嘉靖丙辰二月十六日享年九十有二子四言娶梁氏襄贅高氏其先葉出也其二即亨奕亨為太常丞先卒娶張氏奕今為御醫娶符氏繼李氏女二長適鎮遠守伍餘福次適張秀孫男五三壽太學生策府學生中和舉鄉貢士蚤世節關孫尚幼孫女四長適時豪次胡應明次陸觀次幼未適奕為日與喪偕還塋屬道懿言未果而謂某曰不肖亡以當長者然念以子之故辱知先孺人其狀先容焉而長者賜之銘先孺人死且不朽即不肖死不朽某再三

謝弗得聊為志其大都備米擇云

述一首

顧母查太宜人述

余友人盛生時時為余言顧母查太宜人之賢也太宜人者今叅軍公節母也其父曰繕部公太宜人生而婉孌有志操繕部公內器之為偃蹇其偶最後始得象胥公象胥公則已前娶於周有子矣所謂叅軍者也會周卒而象胥公聞太宜人賢乃委禽焉繕部公亦賢象胥公以太宜人得尚公晚居無何象胥公暴得疾捐館太宜人慟不欲生者數矣顧叅軍在髫

龔州山人私著之曰
一十九世
龔自自立太宜人撫而歎曰吾捐吾身以下從逝者則誰與衛存者且吾以身而下從逝者毋寧以心而下從逝者於是屏去膏沐別鉛粉而精專其志日夜撫叅軍而育之稍長為擇名經儒傳之而身自為內傳叅軍每讀書至勸苦太宜人輒具佳醴脩醞以勞曰兒幸自愛毋過苦即叅軍以少佚游聞太夫人不憚曰兒生貴豪固宜吾何以見若父地下也叅軍愧自責無所容久之乃解凡顧氏之戚若獲中外指數百千俱來取太宜人束約太宜人率之俱折節而為儉力以故視其在象番公時則益饒叅軍用其大

王父文康公蔭當得官雅不欲行太宜人日促駕曰若柰何食先文康之澤而弁髦之且吾待若官以報若父行矣吾當借若於是叅軍始就選佐左都督府遷佐後都督府俱名任職無害三載且考最而會天子推登極恩贈象脊公如叅軍官太宜人為今封視五品於是叅軍奉所受上誥誥皆雲錦文成五采冠瑱而流珠紺淳青圭之綬丈有六尺八十首翺翹

垂鵬朱提之帶率其婦若子再拜前為壽太宜人意若不欲服也叅軍復再拜以請太宜人始歔歔而強就服曰吾誠不自意全且及汝貴第無繇令若父見

并州山人稿卷之百
耳言已泣數行下盛生又為予言叅軍之孝也秩至
下大夫且長矣其依依太宜人膝前猶乳哺也嚴事
之則若嚴事君師也其在外譙呵不聞內其在內履
綦不聞外可以為人子矣世貞曰余讀詩至履霜未
嘗不廢書而歎女德之無極也茲固無足論第如昔
人所紀軻氏文伯母事固賢然要之其用愛常耳彼
猶以義方歸之則夫太夫人豈不亦彰彰難能哉抑
漢時通明大臣固無如翟丞相公孫平津俱名能事
後母要之其物備耳若太宜人者稱母不稱後叅軍
者稱子不稱前慈孝蒸蒸嬾稚化之室用太初動為
義方鬱為休祥於乎顧母其未艾哉

并州山人四部稿卷之一百

并州山人

卷之一百

二七

卷之十一

奔州山人四部稿卷之一百一

吳郡王世貞元美著

文部

頌二首

晉頌

歲隆慶庚午山西按察使吳郡王某時備乏外察
預采訪秋月上事晉陽以暇考見吏民觀其俗愿朴
而勤共四塞縮轂其口靡蓋藏之實然頰仰粗給而
不虞歲 國宗亡慮數百千人祿僅周口以其禮義
閑朱邸而不虞僑 國戚大小兢兢闔門而不虞法

奔州山人四部稿卷之十一

中貴人抑首出上闌以禮造請士大夫而不虞修復
以暇耳之則交口而加額稱其國之主賢若一夫
民貧而不虞歲者賴其主施也國宗貴戚而不虞
憊者奉其主禮也國戚衆而不虞法者畏其主
裁也中貴人近而不虞侈者則其主共也夫
主即諸王子也入承 太宗世桐圭之社以撫有太
原其左相朋寔奉經幄首陳間平經誼行善之旨
主再拜受之以時勞苦國吏士錫予加厚以沁源田
千畝食河汾諸生虜傳城以庾廩百斛食戍卒
詔募兵晉以三千金為資裝晉侵以廩百斛粥饑者

言又大侵廩如初以二百金瘞其骸 天子創皇極

殿以三千金助者一城晉陽以千金五百金助者再
主之宗王榮澤薨旌德薨弟鎮德薨都御史遷高石
布政使達死官以百金賻調棺斂喪事者五 主之
王太妃屬疾晝夜侍湯藥露禱山川叩顙漬血特賜
醫鈞禮醫畢技奏疾間傾帑中金錢為酬歲時奉觴
太妃行家人禮白首斤斤無怠色 天子廉主仁孝
狀下璽書為棹楔旌之具如典於是按察使某謹昧
死敢言之某不佞備之外察預采訪恭誦 天子褒
揚 晉王璽書與吏民所交口加額 王仁孝狀不

勝忤甚竊謂晉之先君文侯與其裔孫文公嘗一再
被周天王命函鬯朱戶納陛虎賁弓矢斧鉞至隆崇
赫然多述也然其要僅以獎率諸侯拱衛帝室威有
所外宣而澤不必內充乃今王固非有方伯連率
之實然世世稱上仲允國首先百藩能提身敦行推
汪濊之德佐天子便章協和之化遭世治平威無
所不加無事履霜露振旗旂以逸行德

天子心賢之雖備物少遜而褒誠獨深可紀也已乃
拜手颺言曰

參井之分為燕右肩帝省其私壯王填焉世稱介

兄垂二百年翠薨朱朱果愚翼然乃暎淑宗入墓

厥虛曰叔父伯舅卒偕爾妻孥以共國租歲特行省
吏民咸賜大酺三盞之膳用充君厨帝發七萃星
言啓行婦祖于宮駒秣于場豈不虞征倣理厥裝漢
宮既災乃營建章精鏐三千以佐天梁涓涓天澤入
谷乃闕匪唯繹之又布濩之沕沕我民罔知

帝功匪唯已不居又歸庸之芄芄之囿靈卉萃止王
奉太母式燕以喜雍雍者耆執經以趨王曰匪
臣我箴我模粉澤雜選巧笑都倩袂不停拂目無儻
眴温如酒德頽緩泮渙為儉毋損施為善毋近機蔽

觀楓

楓林如墨錦秋來深照翠壑
吟眺夕陽寒丹霞時一落

鷄鳴曲

春樹鷄鳴滿地霜碧紗窗
外曉雲長自知芳徑梅奄
癸昨夜清風入洞房

十月朔

屈子

阿龍君

不新成與物熙怡故曰上不僭上下不逼下與人同者物必歸有大而能謙必豫王之謂也

封少師永懷翁徐太夫人八十壽頌有序

嘉靖中不佞世貞成進士長安中而今少師興化李公狀元及第是時封少師永懷翁與太夫人徐奉其尊人贈少師公無恙也居二紀所而少師公以碩德受簡

世宗皇帝入預機務遂膺特命進首揆永懷翁宴封如少師公官久之少師公寅亮之化成五單于解辯請命南粵授首天子推功相府所以褒錫翁

父子非一少師公稽首固請歸政天子弗獲已下

璽書賜金續廩俾以故相待永懷翁於是永懷翁與徐太夫人偕八十矣水陸之宴以勞慶者逢迎太和與世更稚杯匕雜進無異疆年釐祝之典傾動海內而不佞世貞方居里自廢其明年改吉乃始藉手不腆之言以從華封人後不佞蓋竊窺夫判權輿以還元氣漓解即公卿大夫居鼎豕之位未有能及二親存者明興二百餘年天子敦龐鴻鬯之化充塞宇宙而一時詰弼耆俊又有以仰承之於是乃有江陵常熟二公併永懷翁為三顧翁所得有獨至者少

師公之舉寔冠多士而其在相位又為百僚冠以再榮翁與徐太夫人一也翁與太夫人奉其尊人贈公以臨少師公及第二也翁與太夫人八十時含飴而弄其五世孫三也少師公甫耳順而謝大政得以專精神輔湯粥四也翁有次子諸孫魯大者珥簪握管備諸從其少亦衿裾之秀以待用五也翁負天地獨厚

帝所寵綏少師公為國元老以大造天下即能言之士疇不欲效其一得而况不佞世世受知稱門下客者哉敬為頌

頌曰鴻濛始分民人剖醇自有父子以稱君臣厥倫

五之孰際其真福亦五之疇備其純於赫李翁累行滋穀藏名杜權以默養福於惟夫人專靜若淑曰慈曰儉以德承毓皇皇大李維帝所啓啓之伊何爰有令子射策魁庭晉熙帝紀斗杓元漿潤澤萬韡鼎釜之養寔惟天祿弗甘其飴惟水惟菽橐解疏金手扶薛轂顏奪衫紫肌凌帶玉大德得名得祿得位使福使壽使多詰嗣古之善祝於翁未備阿魄長圓地維無墜北帶長淮東衿大江中有慶門百福攸龐金緋在庭璫珮盈堂客稱萬年主酬未央南極騰煜寶婺

含藻相星德星左右環曜如日升海若雲擁嶠翁以
令子長為世倣

贊二十五首

開國功臣贊

夫天柱折則棟石之勲始昭地維崩而斷鰲之業斯
偉姚姒揖遜湯武征誅厥德懋矣功亦選焉然而澤
有因漸用惟勤哉夫使虞不發庸僅淺放勲之化受
早殂落或衍微仲之仁宇宙自如日月未改然猶謚
為帝王鼎甲今古而衆時輔弼佐命之士五臣十亂
次者夔龍爰逮伊旭哉哉在彝奎炳於旂常天下詩謳
而書誦之迄於今不衰若乃兩儀混而乍闢七曜昏
而復昭掃百葉之遺腥運九有於再造魏乎如天蕩
乎難名則孰有幾我

高皇帝者乎古稱大人雲蒸龍變股肱心膂奔走禦
侮不亦茂又林林哉是故聯百萬之衆摧陷廓清如
六飛在御靡所不被此則中山氏之所以開帝統也
批擣磔裂前無衡敵卻掃千里血流漂鹵此則開平
氏之所以揚帝威也給漕饋餉軍行無乏創立章典
衣被黼黻此則李韓氏之所以熙帝業也推測象緯
籌筭帷帳群力自歸獨智潛起此則誠意氏之所以

贊帝謨也。他或入備鼎鉉之寄。或出膺干城之托。或冠冕藝林。或儲胥方隅。靡不摧鄙躡陸。頰絳超灌。於手盛哉。余以三吳蠶稼之畷。誤忝簪履。端委熙朝。概頗牧之英聲。則撫髀思奮。仰晏子之嘉謨。則執鞭碩馭。嘗遊鷄山觀丹青之績。已而獲駿奔太廟。觀配位徘徊。悵慕者久之。爰序所懷。人別為贊。庶幾揚班袁陸之旨。凡三十三人。曰太傅中書右丞相征虜大將軍魏國公中山徐武寧王。連太師中書左丞相韓國李公善長。中書平章軍國重事征虜副將軍鄂國公贈太保開平常忠武王。遇春。御史中丞誠意伯贈太師劉文成公。基。大都督朱公文正。征北將軍左都督曹國公岐陽李武靖王。文忠。征戍將軍右都督衛國公寧河鄧武順王。愈。左都督信國公東甌湯襄武王和。征虜大將軍太子太師宋國馮公勝。征虜大將軍太子太師穎國傅公友德。征南將軍西平侯黔寧沐昭靖王英。中書平章政事越國胡武莊公大海。中書平章政事鄖國廖武閔公永安。德慶侯永忠。同知大都督府事親國愈。忠烈公通。海南安侯通源。越雋侯通淵。同知大都督府事泗國耿武莊公再成。長興侯炳文。親軍都指揮使高陽郡侯韓公成。同知大都督

炳文親軍都指揮使高陽郡侯韓公成同知大都督

府江陰侯江國吳襄烈公良同知大都督府事靖海
侯海國吳襄烈公楨親軍副都指揮使濟陽郡丁公
普郎樞密院判東丘郡侯花公雲同知大都督府事
鞏昌侯陝國郭宣武公子興左都督武定侯營國郭
威襄公英定遠侯王公弼翰林學士承旨兼太子贊
善大夫宋文憲公瀛翰林侍制贈學士王忠文公禕
御史中丞章公溢征虜大將軍太子太傅涼國益公
王中書左丞相忠勤伯汪公廣洋大都督府僉事樂
浪郡濮忠襄公真贊曰九有中摧胡風代扇椎衽滔
天腥涎比甸坤覆乾承州凝嶽落末教凌夷衆雄鬣

觀三山蒼巖擊大陸龍戰天篤

高皇神武不憲靈琰示符赤蛇棲弁江介初啓神州
攸奠紛梗削平游蒐遠遣重朗日月先驅虹電功超
五始樂成九變桓桓中山寔為帥首黃鉞載摩駝金
壓紐批漢無堅拉張若朽齊洛角崩秦燕指授玄黃
爭屬靈輦慚後廟無移篋室不改節永綏舊都啓我
元后帶礪常新蟬貂世守堂堂韓公國之老成托契
藩幕遂冠時英蕭規喬謀是殫是馮開物創典鬱為
法程惜哉就殂上應禋冥飩是克終鑒厥初誠糾糾
開平有力如熊豈不懷月其主必歸殲諒禽誠若俯

拾遺狡矣擴廓晨軍余師一矢騰龍萬馬皆披蒲類
北填遂奪燕支河魁告殞百身曷追英英劉公卓識
朗詣洞往千載知來百世人謀鬼謀生天生地力贊
安攘默紆真秘揣敵陰符懸捷兵氣定鼎卜洛仰禪
天計相排雖切主恩母替返駕青田遺榮芝桂行行
文正受賑國門親則猶子地定維藩提衡弱翰抗闕
鯨奔真王剖符爰發后昆終言不令國以永存帝乙
歸妹以產岐陽有卓岐陽英武夙章作鎮於嚴嗚虎
是將擒梟下雄斷臂扼吭北逐亡胡至止應昌名王
闕氏纍纍就降振旅敷文禮讓輝煌烈烈寧河有燁

其賜遇大則勇無衝不先始畧江淮遂平漢沔勃律
收訂崑崙回霽中道奄淪八州流唁懿懿東甌龍潛
誼定二吳席捲七閩波靜平蜀師還功存不兢始冠
徹侯終膺九命陰諧帝志釋兵休請幾失彭英恩喻
賈鄧矯矯宋公玉立而武克紹哲兄牙爪心腑宣力
中原揚威大鹵僖珪上公啟茅殷土丈人之言以忝
征虜天愛西南乃生穎國惟穎之雄開平是則喑鳴
震盪兆衆辟易劍閣中夷昆池永闢碧鷄再鳴白雉
重譯豈不崇封帝省其籍於爍黔寧戚均皇胃豪鷲
神啓機權中秀玉關師出葱嶺衡仆移兵佐穎樹績

留後六詔稱一。百蠻歸奏。軍路魁編。熊莊何陋。世裔
開府若若。兩綬武莊。長身頰色。立鐵橫槊。雄呼濤偃。
山裂作鎮。婺邦襟控。全浙峻猷。垂念狂刃。中發兆應。
神光靈昭。殄滅鄖公。宏畧飛舳。大江首定。集慶如漢。
關中戰深。陷敵矢義。就終遙封。未享馳澤。難弟鄱陽。
師軋。日月虧蔽。陸舟橫擣。百戰彌厲。迴旌西指。岷蜀
崩潰。帝訓昭田。垂耀千祀。巢湖之艦。威均六師。倚歟。
號公沈算。先幾委力。劬瘁伏節。驅馳南安。越雋寔克。
繼之。蟬纒並曜。戟垣差池。簡簡泗公。果毅能整。入贊
樞衡。出奠越嶺。匪昧衣衾。需泥在頃。適篤象賢。孤誠

愈表疏勒長興敵憐曷逞為况為弁丹青彪炳彭湖

塵勁嶽坼天吽。列宿徘徊。神龍泥淖。兩賢既厄。六奇
誰效。高陽眩敵。王服死告。倂子齊貞。紀侯肩耀。良既
駿奔。禎亦鷗翔。左提右挈。草昧王綱。蜂屯斥堠。螳列
餘皇。淼淼江海。載啟大邦。康山之祀。普郎為烈。捐脰
敵舟。橫戈握血。太平既屠。花侯就殉。披襟蝟射。詈賊
靈震。神翁白首。間關嗣胤。重瞳愴矚。恩波渥潤。簪纓
駢降。汾陽之里。陝公既錫。營公疊起。一呼隕敵。天顏
為喜。平滇鮫窟。探胡虎子。匪藉椒房。再膺彤矢。定遠
駢旆。戎行高揭。一騎衡威。雙月環月。迅若流電。搏如

沒鵲南掃不毛。北逾窮髮。隸穎佐涼。名收九伐。恂恂
宋氏。德音君子。煌煌辟書。東觀昉啟。帝輯華裘。女其
粉米。鷄林波譽。龍池拉美。天漿御調。鑿驄噉止。華川
之彥。時稱厥匹。碓博川淵。天謨甲乙。窮編奉使。幽憂
深室。賈辨未終。鄴京永宰。鴻耆章公。鷹揚其猷。虬髯
戟張。稜稜紫眸。再集鄉旅。遏懲寇仇。出入風裁。三事
允脩。灼灼藍公。雄威蹀躞。烈火騰崑。霜華吐萼。西極
龜莎。南收羗笮。渾邪授首。旌旗絕漠。碣勒推班。侯封
比霍。廣洋幹敏。帝曰良哉。三入中書。再長西臺。拮据
吏道。控揣時才。貴極生驕。功成不賞。宗庸懿烈。寔委

草莽魯如濮侯。我子不二。君刺腸若飴。不涅島氣。陵厲

秋日。靈靄天雲。翼翼諸賢。真宰所私。力佑元氣。汎滌
妖霏。惟昔禹功。河洛瞻思。嚮微管仲。左袵其歸。崇關
巨塹。內華外夷。九原可作。斯人庶幾。

太宗功臣贊

奉天靖難。諸功臣故。漢王高煦。榮國公河間。張忠武
王。王太師英國公。定興忠烈王。輔太子太師。征虜大
將軍。淇國丘公。福太子太傅。征夷將軍。成國公東平
朱武。烈王能太子少師。贈少師。榮國姚恭。靖公廣孝
中軍都督府都督同知。涇國陳襄。敏公亨。太保兼太

子太師領宗人府兼中軍都督府事寧陽侯濬國武
靖公懋征南將軍太傅黔國公定遠沐忠敬王晟都
指揮崇安潭忠節侯淵都指揮金鄉王忠壯侯真後
軍都督府都督同知安平侯呂國李忠壯公遠中軍
都督府都督僉事武城侯漳國王威毅公聰前軍都
督府左都督永康侯蔡國徐忠烈公忠後軍都督府
左都督豐城侯茂國李剛毅公彬征西前將軍中軍
都督府左都督武安侯漳國鄭忠毅公亨保定侯滕
國孟忠勇公善駙馬都尉富陽侯景國李恭敏公讓
駙馬都尉廣平侯沂國袁忠穆公容中軍都督府都

督同知成陽侯潞國張忠毅

寧侯靖國陳忠

襄公珪鎮朔大將軍太保陽

國薛中武公祿

平江伯陳恭襄侯瑄少

侯鄭國張襄信公信

太子太傅征夷將軍

侯融國柳襄愍公升兵部

尚書兼詹事府詹事贈少師金忠襄公忠太子太師

掌戶部事贈湯陰伯郭忠襄公資少師吏部尚書贈

太師襄忠定公義少師兵部尚書華蓋殿大學士贈

太師楊文貞公士奇少保戶部尚書贈太師復忠靖

公原吉少師工部尚書謹身殿大學士贈太師楊文

敏公榮左春坊大學士翰林院學士解公縉凡三十

齊州... 高... 卷之... 十一

三人皆

文皇帝壬午將相也或策勲戡定或奏績毗亮或開拓荒裔或創遏強虜彬彬一書
載于湯有光視代匪易叅之中山諸公抑亦其亞也他若曹茹之達變
秦李之先幾雖亦康邁致顯則逕庭矣故不敘及
贊曰於戲嗣皇力政為紀絃促枉迫帝遴英藩俾奮
幽朔甲除君側鉅野龍戰玄黃其血靡臙不漬脩江
既馮爰革大君廟貌無易改紀政教以彌天地混濛
再闢惟我介子雄勇冠鋒所當靡敵為彰為憲而武
不終卒以貴溢洛彼賢豪左右翼飛如搆斯植有赫

河間峻謨首倡以節狗堅爰貽定興崔魏如山突騎
無前禹跡茫茫三廓南荒韶繇蟬聯雙鑠淇公首寄
元戎崇封褒然握十萬衆以騁大荒與身俱捐東平
靈武王略茂昭遂開土田筆路驅雕不吊大烈有象
者賢懿懿恭靖勿弁其髡陰符戩兵誰執鷹揚乃徠
陳公用社於涇懋克繩武受服寄齊耄而簪纓奕奕
沐王靖滇拓交亦屏亦楨淵既冠鋒真特百夫而弗
覩厥成鎮遠田面入猷出鈐鬼方救寧安平武城信
古名將持重堅忍受脅悍帥謀弗獲選駢首狂刃豐
城永康收勲叢創並寄留蓋歆歆武安雲中之績牧

尚是隼沈沈保定危身果殺易名斯允珪盟冊
府城陽埒恩奕葉昌胤富陽肺腑廣平儷之亦
克戎賑憫憫陽武萬雉如虹為國儲胥優優平
江萬艘如雲為國乳哺隆平內哲為龜為著皇
省厥圖安遠外摧為虎為豹在交之塘忠參惟
幄資贊轉餉司馬司徒曰義士奇弼諧青宮原
吉禪謨榮出六奇母若縉一言竝然國樞吁彼
五臣偃風傾陽事取權濟林林羣彥画笑宣力
以輔

皇帝雖緒於家而逆是取峻命不易曹亨豫訖威靡

不信窮髮遙裔

皇帝殿坐麟拔首耳咸克琛贊碩成之廟上為

太宗君羣辟列配豈伊不推庸於烈考龍變雲會我陳
雅詩比於丹青爍燁萬禩

續高士贊

夫叔夜傳高燕取市朝孝緒著隱首匿姓氏
雖遠爾異觀要之混跡者遺名遺名者混迹
探其大致將無同哉吳中仲蔚家貧讀書談
道娛性乃采高士自榮公至陶徵君凡三十
六人人為之贊因寄所托簡質沈遠彬彬然

稱其家言矣所收即衰周而前亡紀者杳邈未易志也終晉而後亡稱者傷其後之湮實也烏乎永興之穴筐篚苞苴剡下之宇土木文繡下田居傳蠶室求逝不可凌夷至於終南之捷北山之移固已腥泉石而桎烟霞矣然獨恠夫幼安龍德不曜天人豈其一二見少仲蔚耶吾乃復繇漢而隋益之以十六人別為贊以補仲蔚之闕文夫魯連先生隱辨者東方大夫隱吏者郭林宗隱通者阮步兵隱酒者此其人非不高以非仲蔚意也姑

略不志

梅福漢

壽春子真明尚書穀梁春秋為南昌尉托疾以休數因縣道上變求假郵傳請上毋顯外家而僂忠諫再書不納飄然東歸讀書養性優游自怡忽棄妻子擊柝吳市人以為僊莫知所逝有壻羊裘而傲漢帝

楊王孫漢

王孫者何孝武時人習學黃老家累千金厚為奉養意至必臻及病且終戒其子曰布囊盛尺入地七尺從足引脫以土就魄友人祈侯諫令勿薄王孫答書

死返其真返真冥冥亡形亡聲亡形亡聲乃合道情
飾外以華厚葬以高高以棺槨裹以幣帛支體絡束
口含玉石欲化不得鬱為枯腊千載之後棺槨腐拆
迺得歸土孰其真宅死者不知生者不得是謂重惑
祈侯曰善羸而長息

王君公 東漢

王生者何明易為尚書郎言事不用自汙與官婢通
詳為清狂僧牛市中口不二價卒以狂終時人為之
語曰避世墻東王君公

韓康 東漢

京兆韓康賣藥市間口不二價三十餘年女子識其
名跳灞陵山桓帝徵之柴車先發弃車牛而逸不知
所適倚歟伯休竟以身匿

孔元方 東漢

許昌元方鄰左同師厭謝世用而道是資火赫其次
家人救之箕踞笑曰爾來何為鑿窟休舍旬月乃出
栢棘蒙翳伏若蛇蟄終委妻子游於蓬室

袁闕 東漢

倚歟汝南司徒太傅是為諸父心竊非之欲投深林
以母老阻乃築土室肆周於庭不復為戶自牖食飲

日於室中東向拜母母一思子輒往就視數言而去
母沒哭泣不為制服以心茹苦時莫能名謂為狂生
表閔夏甫

閔貢 東漢

閔貢仲叔含菽飲水同郡周黨遺之生菜受而不食
晚家安邑病須肉味日買猪肝一片令為給置仲叔
問其故嘆以口腹累鑿坏而遁乃客於沛

韓楷 東漢

河南公超摯放自遂學靡不貫徵聘皆不至就除平
陰令三日視事弃官而遁學者隨之所在成聚華陰

南土遂有公超市策拜光祿大夫辭疾不起東帛玄
纁郡守遣致優游杜門樂以卒歲

鄭玄 東漢

高密康成長八尺餘受書馬融業過其師何舞陽聞
之迫以就辟幅巾詣辭一宿而退莫知所之黃巾數
萬環拜其廬渤海而東文舉是依寔成祀於尼宮

管寧

有漢管君寧北海朱虛人十六喪父中表憫其孤貧
咸共贈賙卻不肯納華邴同聲砥礪相悅行鋤黃金
揮同瓦礫冕而過者華出覲之還遂割席避地遼左

三十餘年穿坐當膝隣牛暴田牽至涼處為善衣食
男女爭汲鬪閔陰為多買器爭者自息時有王彥方
躬行至德與寧化海外聲及中國皂帽西歸三府交
辟咲謂華司徒本欲作老吏乃故榮之泌之洋洋可
以樂饑委順還化八十有奇

索讓 晉

索讓偉祖辟名自遠太守陰澹造馬忘返退而嘆曰
於乎先生收人所弃弃人所收宅不彌畝志忘九州
莊生孫高黔婁孫清遂謚之為玄居先生

朱百年 宋

山陰朱百年携妻孔氏入南山伐樵與采若將置周
道間旦旦復如是取者悟留錢得錢買繒綵歸以遺
其妻逢人輒共飲酒間復失之母以冬月亡歛不能
具綿終身恒衣袂不復避寒單嗟嗟百年孝且廉

褚伯玉 南齊

吳郡元璩父為娶婦從後門而遁遂隱瀑布性耐寒
暑時比之王仲都徵為議曹不就退復剡居郡太守
僧達禮致停郡信宿數言而退復書丘珍孫古之逸
民華陰城市此子索然談討芝桂

宗測 南齊

敬微居江陵亟辭參軍辟自言同鱗羽棲止在丘壑
袖携莊老編飄飄廬山側子孫泣相挽長嘯如不識
魚復為江州厚餉遺敬微敬微前致辭狂疾少相加
量腹進松和度形衣薜蘿淡然分已足豈容當此施

仲長子光甫

伊... 耀其事菴於河汾傭力自藝守令謁者
辭瘖而避著頌獨遊聊以托意彈琴餌藥以終其世
宅平無為合道冥冥謚曰天隱河渚先生

朱桃椎甫

桃椎成都披裘帶索浮沈不仕益州行臺迫為鄉正
不言而逝迤入山中夏則裸自冬則依樹手織芒屨
道而嚮者置米乃取高帥禮之降階與語張目直視
於乎桃椎非僊非鬼其人如是

敖士贊

嘉靖中余守尚書郎九歲不遷當自劾罷客
有過者謂貴人由申而詈子非吳中小兒耶
柰何閱武膺視不置長安曉間也而又多使
酒罵坐抵掌談說世事一二少年勦之不休
夫夫安能自罷客謂吾子敖士也余愧謝無
有因憶曩者不自憚間從歷下小頰索苦滿

引實不敢作步兵眼孔向人性畏熱伏時從
曹中還以急謝謁刺不善捉髮晨恒令家人
捉之以故蓬解不受櫛腰腹小肥磬折差礙
耳即使酒罵坐與世齷齪爭長豈真能為教
者夫客亦知禰正平耶其人得教之粗而遺
其精中散色絕喜温而非湯武其人得教之
體而遺其用文舉調忽曹氏仲翔骯髒孫公
其人取教之偏而習其全楊侍中之盤馬王
平子之探鼓螭虎之沐頭僧達之擲坐其人
竊教之似而悖其真吾所謂教者老子而下
七人耳因為之贊略叙所以

老子

昔有柱下微言五千吾師歎之其猶龍焉專氣致柔
嬰兒以全不為物先物莫敢先請謚曰教厥教在玄

柳下惠

魯有展氏三黜士師可以去乎怡然無辭袒裼裸程
由由與俗自貴其道物莫能過請謚曰教厥教在和

列子

禦寇師一而友伯昏手為妻爨食豨如人雕琢復朴
於事無親國君大夫等余齊民所最戒者先不已若

舟州山人集卷之五

世經堂刻

莊子

莊生漆園沈洋息恣抑彭等殤詆訾孔氏咲謂楚相
犧牛以磬上下千載莫得而教請謚曰教厥教逍遙

魯仲連

魯連先生不知所始下聊摧衍再發而已其出如雲
其歛如神逝之海上卒為逸民請謚曰教厥教在泯

東方朔

東方先生仰師游龍海鷗武皇草芥群公染跡朝市
聊以從容支離覆逆滑稽不窮清質濁文卒以樂終
請謚曰教厥教在同

阮籍

阮氏藉者以醉自匿詭浪天地陶然真則箕踞放曠
見憎禮法口無雌黃眼乃青白請謚以教厥教在默

舟州山人集卷之五

世經堂刻

舟州山人四部稿卷之一百二

吳郡王世貞元美著

文部

贊三十首

壬午諸臣贊

故兵部尚書南陽鐵公鉉翰林院文學博士天台方
 公孝孺太子少保禮部尚書宣城陳公迪禮部侍中
 貴池黃公觀御史臺左副都御史新淦練公子寧戶
 部右侍郎瑞安卓公敬禮部左侍郎山陰陳公惟善
 御史臺右副都御史江都茅公大方刑部尚書南和



侯公泰刑部右侍郎山西暴公昭參大將軍事遼州
高公巍監察御史廬陵魯公鳳韶翰林院脩撰黃岩
王公叔英衡府紀善脩國史泰和周公是脩浙江提
刑按察使前刑部左侍郎開封王公良江西提刑按
察副使前右僉都御史崇德程公本立蘇州府知府
姚公善禮科左給事中常熟黃公鉞徽州府知府莆
田陳公彥回遼府左長史績溪程公通太子太傅魏
國徐公輝祖谷府左長史劉公璟御史臺左都御史
真定景公清兵部尚書溧水齊公泰太常寺卿分宜
黃公子澄吏部尚書富平張公統皆殉命壬午炳烺

著聲者也其侍從臺諫郎署守令倍之夫鐵公馮
未堅之版築鼓不振之兵氣轉弱為強幾就而挫天
之所廢誰能興之支有靡碎膝無小屈斯為最矣希
直以天挺之才當人文之寄雖經緯未究而黼粉已
彰至於勁氣峻詞昭揭千古金石無功日月長新於
乎烈哉姚安陸之牧三吳毋讓文翁高遼州之策諸
王奚滅賈傅其他從容慷慨歸盡不同要以雙志完
節舍生成仁無可譏者魏公紕彼肺腑堅此股肱非
武寧開天之勲仁孝厚坤之懿豈直益庾狴犴亦將
參夷五宗矣景公懷豫讓之誠而不獲逞齊黃秉朝

錯之忠而鮮所成心無餘施國有遺恨若張太宰小
攝於靈擊而終安於雉經可謂不遠之復未盡處死
之道乃其敷績滇荒飭躬銓部與迪省衡視端骨臭
亦洪建之良巨也因附而贊之或謂不佞既叙靖難
之助復表士午之義達變者為優則守死者為劣矣
夫湯不以放桀而奪沈淵之務光武不以剪商而絀
首陽之墨允况今

天子鼎命伊始褒辭煌煌舍後夫之不寧識忠臣於
板蕩哉是宜贊其辭曰

寶島告成珠繡就絡飛龍利見神虬已躍波沸九海

倚傾十嶽

帝坐雖新

廟貌猶昨子燕孫貽天無

適莫神惟常享人乃歸仁壺輦在野玄黃亦遵匪惟
後夫亦有頑民莫輕匪彝以等厥身寸心不迴五宗
倏塵桓桓鼎石高皇所器完瑕立堅鼓敗為欽大夏
拉邏一木馬制抗節內廷捐軀東市辟彼隕壁光完
魄碎希直儒雄先民是程剪遏戎機鋪張治平絕命
長哦麗日經星流詛滄海建標赤城景道矯矯宣威
滇池進秩春宮寅清帝儀礎鏤鏤烹芬肉飴子孝
父忠袁卞同辭有斐瀾伯公車駿發街新蟬冕職邇
壘節飛檄逾琳投湘擬屈臣操松筠闡儀霜月塞塞

子寧著聲中外。臣失律以寵自解。抗辭請執。不愧
司敗。王屑遺芬。金川表派。英英卓公。徵竒履。虎曲突
能謀。逆鱗匪忤。歸誠故天。流惜新主。疇云孔壬。乃寔
愛汝。復初長者。獻替是勞。御李輿尸。馮河殉要。大
方佐秦母。忝祖焦入臺。而殞卒以節。昭於赫。秋官有
侯。有暴暴司。采訪以燕。事告侯。漕六師無絕。甬道斷
舌餘聲。抉心猶跳。高既宏識。曾亦強辨。晉傳請纓。魯
生飛箭。妖鵬垂凶。蹈海終踐。訪魏雖塵。狗隱曷變。叔
英讚夷。乃其食薇。殷德為是。周粟為非。是脩申雉。在
閣尊經。前峙孔廟。後瞰鍾陵。良焚錢庫。程劉豫章。心
無變謫。道不移亡。母如元一。宣猷股肱。化美文翁。剖
同杲卿。鉞也苦土。自沈于齋。外無負友。內不辱親。士
淵循吏。狗知酬宥。彥亨純孝。感親捐脰。嗟此貞臣。以
及吉士。封疆能死。社稷是衛。精白既同。休采曷異。鼠
迹文身。不可造計。皇皇魏公。氣如長虹。委心王室。削
欵椒風。璟亦負竒。出控藩封。從理入口。皆以餓死。武
寧不沒。文成有子。終有後先。節無彼此。烈烈景君。詭
跡專嚮。山魃避名。文曲徵象。憤擬伍員。俠有豫讓。事
違志畢。形泯神王。泰既受遺。澄故家令。削凜朝生。除
旦子孟。竄遠心迹。豬宮移姓。謀之不終。得死而正。張

公為真樂不可支銘績鷄峰衡樞鳳池曾是浮沈大
傑不施拊心內謀竟以完歸在昔梁元業所由圯韜
於武夫優於文士堅甲百萬角崩首稽魯是矜紳而
弗茅靡三靈效順九軌全趨志士飲泣哲人如愚昭
昭就湮冥冥可誣耳有口碑壁有藏書

聖皇開天爰立臣則錫胤旌祠以垂無極汨江揚波
首陽獻色我作頌詩有光明德

浙三大功臣贊

當高皇帝之甫下金陵也西則彊漢耀兵於上游南
則狡周蓄謀於肘腋披輿圖而指皇業僅一彈丸登

鍾陵而眇四垂皆吾敵國天眷有德俾承相宣公信

公輩諸熊羆之士不二心之臣以為羽翰股肱然奔

走寔繁而籌策猶窘時則有若資善大夫護軍御史

中丞弘文館學士太史令誠意伯贈太師括蒼劉文

成公基字伯溫首膺辟書遂參大計天顏甫接默

徵慶雲之祥御座不拜遂輟龍鳳之號至於運籌

奏筭授筭遣將推步則周天掌上指搗則千里目前

語無不鑿往鮮空返子房之在三傑獨推天授曲逆

之誇六出尚慚鬼謀垂拜相而力辭有餘讓矣甫歸

田而論事有餘忠矣自公之歿且八十載而為已已

齊州山人稿卷之百二

治極而疵孽牙其間遂胡慶奎得盜蝟起當六飛北狩之初猖群小南遷之議泥馬迨於汗踵銅駝亦垂蒙棘物情競變大事欲非時則有若少保兵部尚書贈太傅錢塘于肅愍公謙字廷益入贊樞度受知黼袞出片言而折利害捐百口以定安危九鼎屹乎如山萬姓因之奠枕乃若受脰節鉞擐甲郊畿溫言拊循士如挾纊振臂一呼瘡痍盡起溫禹日逐之羣既豨突而爭進忽狼戾而反奔然後勵精臥薪開誠推轂軍事旁午動中機宜尺書所臨咸驚廟算以故羅施鬼方之域牂牁夜郎之黎雖叛者九起而蕩平相屬戰龍甫戢玄黃之血未乾飛羽向寧赤白之囊自鮮身危震主禍發殺機長謳告逝母忝廣陵之彈恩綸繼褒獲返關西之葬所云功首豈亦有臯耶又七十載而為已卯宮車數出元良靡建田蚡內訌受淮王之金錢吳淠外窺應東南之互相屠慘大吏闡取連城輕兵豫章直指建業挾中貴人為內應說大將軍如發蒙人憂土崩內思外濟時則有若新建伯兵部尚書兼都察院左都御史贈侯餘姚王文成公守仁字伯安飛檄勤王建牙誓衆組練千隊艤艫萬艘探虎穴而虎子成擒掃鯨波而鯨兒授首一陵絕

烽烟之警六飛無銜糜之虞至若贛湘肅清絕二百
載之逋嘯田寧拊循寬十萬人之誅夷或窮搗如紀
明或持重如克國文武為憲動止有神夫誠意之運
籌則留侯之智也太傳之靖難則汾陽之勳也新建
之戡亂則條侯之武也然而皆浙以東西人也浙水
秀薄山亦如之其人儒雅外飾趣利畏事蓋自古然
矣三公駿發衿裾之末鶚擊文史之塙吐風欲雲補
天刊地旂常日月帶礪河山不亦壯哉末習曾烏得
而圖之余小子叨列旬宣薄游吳會循覽往哲有概
於中因為之贊以昭其盛其辭曰

帝闢石門下為青田藏作宛委產富胎仙天目之山
茗水出焉萃於臨安龍蟠鳳蹇中為禹穴萬靈攸旋
深山大澤是鍾三賢烈烈誠意沈幾卓識遁甲孤虛
支離覆逆神謀鬼謀超契紕跡鄱湖闔龍波立天坻
公出其奇以脫龍厄飲漢沼吳收都蕩磧濯沐三靈
股掌八極孤誠自信陰邪從匿蹇蹇肅愍盡瘁旬宣
綏晉及周十有八年晚贊中樞力折群奸屹如砥柱
以真播遷折箠匈奴飛檄黎蜃黃屋長尊紫蓋不愆
文武吉甫萬邦為憲嚙脊背憎匪降自天百身曷贖
九有稱冤赫赫新建秉此懿德古訓是式式是百辟

王命作牧爰靖南國潢池若洗崇山遙擘滹起豫章
窺覷洛宅公興義師搗其肘腋日月簸蕩湖波腥赤
猷俘廟社書勛冊帛凡我三賢起自書生師望鷹揚
風后徂征疇謂尊俎乃有奇兵開儀混元浴曜滄溟
勝繇天定功以久明小子吏浙敬聆德聲詮管作頌
敢告司盟

齊鮑叔牙贊

鮑叔輔桓公以入臨淄而遂有齊於功臣無兩矣知
管仲之能伯公故晉公之讐而不疑知已之不如管
仲故耳為之下而不辭知仲顯也下仲微也桓公之
得稱霸首也管仲之得稱霸者師也誰為之叔為之
也天下歸功於桓公桓歸功於管仲而叔獨退然而
不居嗚呼明此而晏嬰明此而子西而為之君者亦
庶幾

趙衰贊有序

晉文公為三軍擇帥以謀於趙衰衰曰郤穀可悅禮
樂而敦詩書於是使郤穀將中軍使趙衰佐上軍王
子曰成季之世有晉政也宜哉文公所起共患厄昆
季交也狐犯雖親才寔匪匹擇帥以將誰能踰之衰
汲汲焉晉其素疎後之郤穀偃然居六卿首而已退

處其五泯于較勢專于集事又其論敦本而近乎道
夫自宣孟而下幾祀矣其間厄于靈族于屠遺燼忍
然迄于焰也衰實培之歟郤氏之後與范中行氏惡
而郤亡范中行之後與趙氏惡而范中行氏亡迨其
終也又併晉而亡之趙雖存其非成季意哉愚竊謂
成季佐晉他謀策未離春秋人物其薦郤穀毋論鮑
管遠可與岳牧同風吾既嘉成季之賢而悲後之嗣
者寡也追為贊曰
造父佐周俾熾厥後乃生于餘亡人是友既匡亡入
以返晉轅曰子餘勛大夫于原惟楚不共僕命擯之
惟原大夫侯詢任之曰有郤穀能寔勝予何以中軍
禮樂詩書次者上軍次佐乃衰苟利晉社違恤其它
彼趙與郤長為夾輔諸其敗者交軋以惡六卿為三
三卿為國雖則有國覆茲先德赫赫成季休休有容
敬贊淑節敢告丞公

任安贊有序

漢史驃騎將軍日益貴大將軍故人門下多去事驃
騎輒得官爵唯任安不肯王子曰賢哉乎安也其猶
有古俠士馮謹虞卿之風焉當大將軍盛時士爭自
繁飾求眩其趨之也若飄風之集羽其用之也若烈

炎之炙手而交與田仁方以爲事家監得養志鬻馬
非必有國士之過也迨趙禹過擇郎將得安大將軍
猶不肯此於安何德灰冷烏散而安如故大將軍始
知有安晚矣語曰歲寒如松柏之後凋難能執驃騎
不以望過安驃騎亦難也雖然丈夫生世當委質事
天子弗遇已爾乃事天子左右爲大將軍私人安豈
亦習戰國游客之遺不蚤自樹耶夫使驃騎不得而
來之孰若使大將軍不得而有之也吾既重安而又
惜安爲贊曰

矯矯任生疆有力氣所固者名不屈者勢大將軍門
流馬脂車衆趨以前我恬自如脂車流馬轉之驃騎
衆舍而趨我無易意灌好魏其武安孽之驃騎賢哉
澹若不知長霄廣漠鸞鳳容與既遠羅網孰斂其羽
嗟哉任生亦昧幾只受太子節卒以誅死

伯顏子中贊

故元吏部侍郎事見傳中

贊曰元霄用民自絕上下天假魘魘汨此中土匪之
酋帥擁強首鼠亦有貞士膏領齊斧矯矯伯顏儒跡
攸奮豈厭原祿而強顏運毀質台藏庶保厥愠北眺
龍沙王圖蹇遭南顧吳墟大明中天帝曰起之臣則

死之苟覩今是焉恤故非彼胡之躁淫乃有碩德胡弗庸蚤寔禡其魄

蔡子英贊

故元行省參政事見傳中

贊曰王庭查如帝宥弗剪彼其子心矢不可卷豈薄華風大鹵是腴抗心長揖匿跡賃春恩割僮體目無鉞曾矯若秋霜燁如天虹覽書者何惟明皇帝仁不奪軀義不奪志舍是後夫風我來裔

前將軍漢壽亭關壯繆侯贊

嗚呼故主之誼表於奔表討賊之忠見於許田樊城

一師炎燼幾然前無衡操後有伏權天耶人耶公則

奚愆精誠所鬱金石失堅川停嶽摧風車電鞭君臣

大綱如日行天我懷威神頌公萬年

又

嗚呼慕漢者瞞也成瞞慕者權也瞞名漢臣也實漢賊也權陽瞞敵也陰瞞翼也公批亢於前而不虞姦於掖七軍甫淹六師隨厄使永安之恨不在許昌而在公安建興之師不出樊城而出祁山安樂之戩與歸命之壁而相後先惜哉雖然不以間關而廢兄弟不以離亂而廢君臣其時如者山嶽澄如者川流而

炳如者日月星辰嗚呼此其所以亘萬古而猶神也耶

伍大夫像贊

嗟哉平乎不父不君壯哉昏乎能子能臣孝憤俠烈
宮郢乃伸明苦沈幾沼吳益神雖然忠之餘足以鼓
江濤而不能迴其主智之先若質著龜而不能保其
軀要其心蓋以吳報父以身報吳使死者不愧存者
不孤嗚呼丈夫

淮陰博陸二侯贊

漢有大功臣二曰楚王信大司馬大將軍博陸宣成
侯光夫埽秦襲魏取趙定齊席捲天下之十九廢昏
立明誅姦取畔祗安漢祚之四百項氏山摧之威非
信莫遏武皇土崩之勢舍光曷莫然而猜起躡足禍
萌驂乘韓既備五刑復夷三宗霍僅及身妻子不免
徒使鍾室之草歷千古而長丹鳳車之轄飛南山而
不返嗚呼惜哉余感其事而贊之且交志戒云

九有躓踞三靈錯莫秦社雖墟楚氛甚惡褒斜中斷
南鄭如勒淮陰神武恢我王略北埽三秦東挾五侯
虜豹襲田捷若承蜩叶 斲餘泝水溺且維流弱索中
原項蹙一丘飲至未終兵符中失反接傳車離骸鍾

室距涉辭通誠表天日百戰為虛車辭輒實走狗既
烹牝鷄之凶翁主出塞虜入回中群雕在天胡為藏
弓惜哉匈奴與漢始終

於赫孝武光承炎漢皇興四關兆心中渙赤靈所綏
天啟輪臺顧復冲子靡慰予懷爰諏誓御爰及傳陸
温恭朝夕執事有恪光拜稽首讓於日磾乃抱孺子
乃撫蒸黎民毋枕革以即衽席工商流通農蠶舉職
褒節尚壘遇封外人孤誠上假立排三親再霈鴻慶
再羅大喪九有晏然四垂不崩黜昏立明阿衡是法
敷塞宇宙忠昭日月孽絲女作禍自勢萌黃腸未乾
赤族已成乾戒亢龍坤稱牝馬無成有終臣訓千古

項王像贊

力拔山氣蓋世喑烏發萬馬廢日重瞳劍如虹挺一
奮魯守通八千人飛度江蕪中原灰秦宮裂九宇爵
羣雄於乎新安之坑僅可半白起之役軼道之誅未
足酬六王之一王既負約而弑義高又負約而攻王
而俱絕命於大江之滙此固天巧之默會而區區腐
儒者猶曰楚愷羣策而自屈其力噫嘻

陳思王像贊

以為讓當塗者心邪危五官者跡耶則胡以上責躬

而不亮求自試而卒不獲攬繡虎之遺像撫銅駝而
歎息彼其誇不朽之大業者孰與夫仲之所得也

劉太中公像贊有跋

劉太中公者諱昌字欽謨吳人也仕至廣東左叅政
階太中大夫故稱太中云父公禮有隱德不仕太中
少而穎敏嘗過酒家取進簿閱而戲焚之尋呼筆次
第其數不爽為經生即有聲經生間二十一領應天
解明年會試第二人繇甲第授南京工部主事召入
祕閣預脩一統志太中蔚暢於文辭尤工五七言近
體詩夏寅正夫者為同舍郎亦名能詩而獨推太中

郎卷冊有太中詩夏君為竟日夜囁嚅弗出唇也語

具李文正詩話中志成以久次遷河南按察副使督
學政太中性嚴冷慎許可其督學近九載所培栽固
富桃李而迷陽蒺藜剪刈弗恤也暇輒考訪河南故
實為河南志已又鳩其人文章為中州文表最後以
叅政卒官年五十餘所著有五臺集懸笥瑣探行於
世有子嘉綉工詩文蚤夭其曾孫某貧廢著而糊其
口於四方然頗欲脩先人業奉太中像來請贊曰庶
幾藉子以肉百歲之骨余憫之徵其葬時志狀則不
能舉曰少孤夫之美余故粗悉太中因為之叙而後

贊其像曰

英成之間豐芑所培垂一百年吳為首地其人磊柯而材賢徐吳韓葉政行文學最稱卓犖太中出焉咀英揚芬以與之角若黛翠遠山細壓綠波萬眉欽蛾入宮之妬庸恤其它弱而雄鳴冠衿譽髦標馳二京晚而滯留婆娑一官蓋八九秋謂公窮而公則顯謂公達而公則蹇其澹然而若無營者公之深其稜然而不可狎者公之淺也耶

封都御史望菴趙翁像贊

有序

故封荊州守趙翁卒之四載而以子御史中丞公貴贈如其官其明年不佞世貞起家楚臬受約束中丞公間出翁像俾為之贊唯是前行省叅議九一督學使者大春皆名質核良史所以稱翁隱德津津不容口至謂中丞公之顯庸昌熾皆翁貽之公之為循良吏著聲嘉隆間皆翁教之夫 天子嘉褒人臣之績必推本其先而賜之爵爵如其子凡以教天下厚也即後先制詞稱予趙翁備至以為古隱君子流夫為之上者不愛如綸之訓以為翁重而為之下者其可嘿嘿已於言哉乃敬贊曰

古有逸民猗惟趙翁善不近名騭無筭功恂恂君子

若必其口盡削機事以與天偶田有栖秣付之釀醇
母泪其滴用葆吾真先民有言至要在我寄愁天上
埋憂地下叩翁之居恬若華胥入翁之里寂如畏壘
不覩荆璞槎牙焦峴剗為連城其光燭霄沈淵之蚌
混沌擁種靈珠既剖波沸霞湧帶金紆朱雍容是都
頽而飄鬢貴不易趨我瞻遺像惕焉心疚其德則新
其人已舊勗哉中丞母或改玉翁於九京庶不戩穀

莫山人像贊有序

山人姓莫氏名叔明字公遠一名更生字延年吳之
亦涉獵大義而已願獨喜為詩詩務清遠專詣其自
許以岑參常建之流長慶而後弗論也臺使者聞而
致之學宮郡大夫即其傍隙地以授山人俾芟蒿菜
數椽栖焉而久之有違色於里中豪豪構郡謂山人
侵學宮壞郡詰山人左驗不能對即徙出會故通政
錢唐周興叔愛山人詩山人遂從之錢唐數與其賢
長者游尋渡江謁故相呂公於紹興與相酬倡山人
生數奇蔡司空莫憲副間以義故要山人許授室山
人當行治裝而司空死憲副坐劾罷去裝又為盜窺規
亡何興叔亦暴病死以故山人益大困而其自意為

詩益甚今年夏游燕中燕中稱詩俠藪而山人用齒
長恒踞上坐而論詩又鮮所許可衆皆誹山人至据
其累語行酒山人意殊不屑也予戲謂鄉有沙頭亭
長人憎之或問亭長何渠能得一沙頭人憎曰不尔
吾亦能憎一沙頭人山人笑不答太宰張故雅知山
人問何自来亦有請耶復不答山人業以困桂玉返
而予有郢楚命及於清源乃改附予副舟日一脫粟
而已顧日一再咏俄出其像示余曰世益左矣子念
我幸為我不靳一言予謝不獲乃敘山人事而系以
贊曰

以子曷鼻黧顏蹙眉膝孿將剛成君類耶則彼一入
咸陽揖相張君而踞其位今子一入燕相張君欲有
屬而子不能對者胡詩也子之詩與像當後子耳更
千百年以為孰非而孰是豈當生者不可必而未來
者乃可恃耶吾不能不子迂而竊悲子之志

學士華公小像贊

藹乎貌之春陽也。皦乎志之冰霜也。其皓然者柱下
史之髮與髭乎。而皜然者藐姑射之仙肌乎。非簪筆
宸扆。衆競進而獨退者乎。素封其橐。衆競靡而居約
者乎。饒令男子。衆羸金而遺仁禮者乎。一丘一壑。或

世經堂刻
丹已緒帝曰姑止弗召汝而留為世儀矩者乎指以為仙或香山路下之佐而實非古者乎其中申自若者仰不愧俯不忤所沾沾而色欣者待天下英材而教育之而不佞其人者乎是為贊

陳小山像贊

有丹乎容而皓其鬚八十一年駛如隙駒誰受汝筆誰收汝骨朽者汝骨不朽者汝筆是唯汪君為之藏而王先生為之述也耶

約齋錢君像贊

儒其躬醫其先樸外而華顛再佐雄州而橐蕭然地雷殷天百城無堅卒以家全晚不樂王官移疾自免飽泌休衡尚羊猶衍里無撓言家靡浮羨境以約失之者鮮矣

王舜華像贊

以為吾舜華耶宜寬褒而逶迤胡為乎挾玉笙氣若御冷風而冷紫霞以為古子晉其人耶其色赤僅十六而上賓胡為乎替而頎繁髭而澤鬢豈合者仙才而不必盡合者其姿耶子以跡擬而吾亦以跡擬耶將乘鸞鶴而從晉於緱山之嵐耶抑挾萬卷為帝

守廁如淮南耶吾聞之去僑與盈仙道乃成子母自
輕子骨始輕滓果澄而清後千百年吾將貌子於蓬
瀛

題故雲槎張翁像贊

其佻若高陽者其飾耶其豪若濁張者其跡耶其超
若柴桑者其臆耶其偶若英皇者其琴瑟耶其崢嶸
翱翔者其三翼耶

李生像贊

若絢履而垂裾左圖而右書便其腹豐其顙粹乎其
容而戚乎若有隱虞彼皮相者謂為河北之沓拖聲
交者謂為三吳之膏腴而識之深者謂其蹈素履初
而能緣飾以儒者耶

太醫盲者邵君像贊

此故處士邵君之肖形也頽然其若傾退然其若不
勝汝不能自行賴人以行衆生不能自生賴汝以生
夫真宰者假汝明於心而奪汝明於目意使汝內專
精其慮而外絀其欲以寄其仁於有知之屬汝必盡
取其所甚絕者而力挽之汝不勝其仁而真宰廢威
此佗鵠之所見忌而弗克永綏汝壽宜止於斯嗚呼
噫嘻

張道官像贊

是從赤松子游而遇黃石公穀城者耶為壇陽都効
百神驗而上昇者耶立祭酒祛疾疾者耶稱句曲外
史隱詞翰者耶汝外逝玄而內為名計以主有涯而
名無際乃求王子題曰玉局散吏四先生之裔

鍾太傅季直表贊

舞鶴飛鳴秋山寒澗巖冠時評跡無代見豐劍星寒
泗鼎波濤騰瑞墨林流規穎傳古雅幽深豐妍峭嶺
一字神呵千金為賄疇疑子輿隆準誰辨

右軍大熱帖真蹟贊

右右軍大熱帖十七字雖帛敝跡渝而風範猶存且
遺墨搵透膚理隱然有入木七分之勢

墨池飛龍鬱盤壘絲十七驪珠精光陸離有象燭天
土花蝕之青鳳片翰人間所希其在瑯琊天球庶幾

右軍此月帖贊

右右軍此月帖二十五字結法圓美而時有米家筆
且紙墨不甚合疑為此君臨

優孟抵掌卒驚楚王虎賁登筵蔡為不亡屈耶鄆經
步山陰堂柔腕虛和後圓就方誰其最工米顛襄陽

右軍淡悶帖贊

右右軍淡悶帖贊

右右軍淡悶帖痰乾二字作淡干皆古書通用妙在
藏鋒精雅之極是唐臨本也贊曰

歐險旭顛顏莊李佻寔繁詰孫厥祀幾祧楚驚優孟
謂為叔敖以似求有典刑不忮我追會稽毋憚焦峴

褚河南哀冊文贊

山陰書望河南入室柔外剛中風疎意密拙含大巧
文無掩質虞歐既遠稷東非匹帝冊騰哀有資掾筆
風骨蒼然天真自溢流芬墨藪拉價細秩

史道碩八駿圖贊

維昔樞星元愷是降周有文孫改即田功帝收其精
以歸房宮下生八埏為八毛龍權奇蘭筋鬚鬣肉駮
萬耳聳立以聽嘶風造父御王鹵酋折衝副車之乘
爰命河宗叅伯執鞭厥右奔戎候忽滅沒電追豐露
七萃疑策杳莫敢踪遂陟崑崙戴勝之邦飲血殞奴
歸觴逢公鼓其餘駮立埽徐烽後三千年帝日再中
放尔鼓車野秣於豐道碩作圖矯若虬虹嗣彼新息
薦式於銅僕臣司藩敢弗告共

弇州山人四部稿卷之一百三

吳郡王世貞元美著

文部

銘九首

顏神城碑陰銘有序

世貞不佞既已城顏神則諸父老走李先生文記之
 李先生雅善余故於文稱稍過非當不佞中丞公侍
 御公之教也與二三大夫士之謀也余惡敢雍容而
 坐顓之余不佞又惡敢雍容而顓諸父老之力以為
 已功諸父老從子弟蒿萊其畝日夜胼胝將事矣即

因材於山高下，陂陀咸省它費，十之八九而寧無一
二酒漿飯炊之費，以勤諸父老，二三大夫士瓜分版
築，杖馬箠而人策之，亦既勞止，篳路藍縷以啓茲城，
拮据切切寔唯二三大夫士與諸父老共其何不佞
之有不佞則竊復隱虞焉，為諸父老城顏神者，城之
已耶？將縣之也。城之而前使者以萬計，嘒嘒旁唱，卒
靡敢動，今不旋踵而告成事，諸父老業以受賦，二百
里外不勝其煩，附庸即百雉之崇，易易若是規而縣
之，則可縣之將為若，置令若丞，蝟後毛供，斲人於衽
席間，執而割，三邑之膏壤使其民與諸父老並割而
弊，莫大左不取也。語云：見已然不能見，將然即令今
決城縣利害，與他日身所受本末岐異矣。然未可箸
數而舌析，姑以明余志耳。余不佞敢遂藉二三大夫
士暨諸父老子弟姓名系之碑陰，而傳以銘。銘曰：
顏姜之山厥陽，瀉鹵夾谷，造天縮轂，其口菜新，西控
淄益，東走五民居之，匪利南畝，作為奇袤，即山而取
盜鑄，椎埋帝跼，昧首予鈴，日尋何戎，不莽唯余，睥目
靡富靡穀，本之不探而末是矚，厲我父老以勤版築，
雉野罄室，壺簞道屬，唯茲父老藩屏，是篤石城，義哉
可以礪鏃，危岡冠頰，泉滋腹在，易有言設險守邦。

衛以武師周以崇墉過軋亂萌毋使蔓張毋若安之
薄征庫藏刃鍛鈎喙枉矢大槍銷為耨鋤趣而農桑
比屋興讓遵彼周行牧臣臯言敢告職方

止戈樓銘

大名使院之後有樓翼如藏甲仗火器如干前使顏
之曰武庫不佞蓋慄然若刺也夫武庫者漢縣官聚
五兵所也有令司之在未央蓋歷代毋改使院何以
稱焉敬為更而顏之曰止戈戈所止也於文止戈為
武曰止戈取止勿動也復係以銘其辭曰

之南寔為沃區臂魏指趙爰翼上都饗殄鋤

糗委蛇襟裾唯易有言需有衣袽用除戎器以戒不
虞赤董之精鞫以歐胡剖列五兵利割蛟兇鬱攸司
銛厥名神樞胡以藏之穹閣彙起衡梗高瘦崇墉周
庀包之虎皮倒載於此夫既藏只亦永寧只匣有曠
缺索有怨矢胡弗庸我竟老止此止戈為武斯義所
紀毋佳毋忘請俟君子

使院新井銘

使院故無井晨取汲於一里外運甕者踰十人而猶
不給余蒞事之三日進群吏而詰之即無問勞役者
之有與踵一夕車門鑄而牙城鈴閣之間緩急何所

金州山人稿 卷之三十三
恃執行相地於帥厨之後隙良隅而鑿之凡四十尺
而得石去石之五尺而其泉見初沫起若瑟瑟蹙沸
騰溢其冽冰齒可以佐茗色益茗味因為之銘以示
後人其辭曰

天之一地之六湧神瀆寫明玉汝茗汝粥汝盥汝沐
著而布櫝得易九三之繇曰可用汲王明並受其福

研銘

墨實攻汝而汝自如墨動不足汝靜有餘為汝納汗
汝既恬然為汝去垢汝亦無言夫是以能永年

墨銘

不用耶而惜汝之材闇然而不韋用耶而惜汝之精
的然而日亡汝自以為能立言汝祖快於摩頂放踵
而老氏之徒以為竟天其天年

帛銘

知其白守其黑為天下式倚汝之德好汝者加汝以
五色而汝弗良於墨噫其所謂混沌而飾者耶

筆銘

結繩而有鳥跡鳥跡熄而中山之用溢嗚呼其文有
餘而質則否者耶靜而不能藏動而不能久者耶然
猶能親薦紳而遠甲冑彼治天下者尚以為功之首

笑者馬ノ出スル地本才南都トイフガ如シ

也

墨精銘

嶧陽之材。燿其流肪。和以浮提。作玄冥霜。瞳谷超超。以繼仲將。汗竹素林。作千秋光。

洮瓊銘

洮河之陰。結綠是斧。蝕墨如蠶。哀音中羽。帝賜益公。掾筆以侶。折節從我。我實慚汝。

誄六首

建寧張府君誄

嘉靖戊申夏六月八日故建寧張府君卒於虞山之

里第春秋六十有七。府君國器非凡。公車蚤對。三為法吏。張廷尉之不寃。兩刺雄州。吳河南之第一。薦剡婁上。除書垂下。而竟坐非構。遂息扶搖。氣色施于泉石。羽儀僅于鄉里。餘事潤屋。壯心察眉。豈非明哲自藏。舒卷委運者哉。在昔楊惲。廢棄田彼南山。始借聲伎。以逃終羅。怨望之謫。而公沒齒無忤。讀書自願。優游造物。以永令譽。嗚呼休哉。某也齒後未獲從公之杖履。公寔俯締姻好。時申德音。約我虞山大嶺。遭如未遂。而今已矣。嗟宜駕之異驅。念手蹟之在目。追為誄曰。顯允府君。鼻祖自留。播於虞山。寔滋以稠。驛驛

皇祖筮為國僚以逮迺考樹惇靡允是生府君天質
秀特蒐於藝圃發羽飲的甫冠登朝外史是繹既理
憲比夕若警惕吏所弗解士所未醒合而為一收精
緜刻翕赫中璫亂我國網公嬰其難詳本略芒詳之
伊何元憇孔張孚號用厲王威斯揚略之伊何族屬
孔棘渙汗用休庶慮斯謚初命吉宇宅憂未集載命
煌煌于建之陽昇建士女以莫不慶樹爾田禾酌爾
酒漿若亡吏胥曷號於鄉耆老嬉遨童稚謳謠即頑
解穢滌思奉曹自訟於閭曷煩市朝考第書最陟明
迺當胡其皦皦而逮口網愛者其下惡者在上誰云
弗勝挽憶泣巷公之歸來拂衣悠哉汲瀑故巖何擅
叢臺黔鬚朱顏簫鼓循垓望為神仙寔聖人孩眺公
之鄉儼若通德積穀飄氛鳴珂耀色窺公之門麗若
倫侯華棖承日栽棟雲浮登公之堂何異謝家玉樹
挺秀芳蘭競花入公之室一榻蕭然左圖右書支願
其間宗黨姻姓待而舉火永無飢瘵以即寧堵隣比
左右相從無忤歲有儉歲割以旬予疾胡弗仁乃嬰
斯人謝玩却嗜用全厥真屏慮調息能經鳥伸謂期
百年而履六旬溢焉就寘何續其生盍去披猖而喪
老成遠邇嗟叱州邑贊評嗚呼哀哉彭澤高枕東山

逸駕始績既睽後畧獨暇春遺煦日秋饒輝夜公出其餘嘲弄元化玉蘊於櫝芝榮於祀公斂其餘貽燕孫子我申誅詞以備張史嗚呼哀哉

故永新令陸公誄有序

嘉靖辛亥冬故永新令陸公先生卒於鄉前是陸公罷永新令十七歲而卒也公世為長洲人邑居而族蓋有太宰者貴甚力能拔所親而陸公為諸生時自引絕不復需臞已太宰事廢他株引坐累貶產比比而陸公共族也為諸生自如久之薦於鄉第四人尋薦南省復為第二人賜對進士舉宏詞受校業翰林館七試皆第一海內亡問識不識稱陸公明經精博士家言而公意不懌益讀中秘書書多左氏司馬班固諸家私文及它稗官齊諧獵其槩而大要乃根抵純潔亡畔誼理已當授官試復第一而大臣意有所不可俱出陸公出得給事中主試浙浙諸書生大小黜陟陸公手公距為書生三年爾人榮之爭相自稱比為重亡何相某宰某互鉤黨為奸利排善扶慝所意必達公條具劾上上善之為罷更置相而以體難大臣杖陸公朝堂論謫貴州驛丞貴瘴鄉公單騎挾罔徒經數載亡苦乃稍遷永新永新令多善政語

見太史尹臺序中蓋遷人由瑣臺出又緣諫業自好
卑易邑小不當而更日夜望量移邑亦亡敢以吏治
望之公不也考永新令高第狀當見褒而某某時復
用公度且中害諺曰病入貴濕侵四支伸屈曷任耶
仕宦重適意行樂爾竟投劾免陸公為人慷慨好行
義多施家不為官故饒為官而橐空空然則以施故
事母孝故姊寡而貧陸公事之如母也母失明公旦
夕唯所以娛志不得因從伎音樂公遂若好伎音樂
者毋捐館一日悉斥出之終其身不復聽云陸公為
文雅敘事其宛若夏敦商彝而不特作姐侈組割淇

湛若溥露一時人號能師信而乃以擬汝南太原輩

甚汙妄不偶夫數君子剽何沈飾鹽嫫倚門而眩粧
細視欲嘔者烏足辱陸公哉余哀其秩既不行文
於稱顯矣非所志也敘而誅之辭曰

中季渥秩天所弗榮翳惜令譽乃畀陸卿在往浮湛
一出咸驚戰藝無堅校才類衡批鱗料鬚身躡神王
羅竄箐棘營衛亡恙引跡淵蟠沉幾朗暢我儀圖之
山甫是伉巖巖吳趨日月爾私赫彼峻猷歛溢後施
先民格言沃根啜滋稗官子家博綜靡遺文所由生
生厥自然燿熠星漢流行嶽川鈿壁成葉刺猴棘端

曾是窮術洵巧非天彼其之子割裂繁飾謂爾毛嫵
狂且粉澤公執無色以勝萬色大矩永標時才辟易
絕口朝政衡門衍衍孰覩眉宇蹙然未滿垂世何長
經時曷短謂蒼匪高爽福殄善嗚呼哀哉予惟在吳
蟬冕代作隨形俱泯一何遼冥銀艾其章丹鉛厥略
斯物苟窺韋裳亦樂疇不終竟存者難名亦有黃耆
為亡少稱震澤東涯揚峰北馮中藏鬱然陸公先生
嗚呼哀哉

通政司參議張公誄

歲重光作噩之畢月故通政參議張翁捐館舍春秋

太歲在辛曰重光
太歲在酉曰噩

七十有七翁諱寰字允清蘇之崑山人世有甲第聞
於熙朝至乃考奉直公貞夷簡亮弱冠味道入蜚南
宮之聲出敷西門之績以畿郡滿考幡然乞休
天子嘉之晉錫蕃庶遜肥考槃音泉石以金緋騰雲
霞於竹素優游大耋顯融令終風流所貽談者口實
翁頽朗天授淵源家派既舉進士釋褐三典雄州咸
有子惠決於邦人稍遷秋官員外郎以愛行法民稱
不寃居無何念奉直公高年乞歸養華顛在侍嬰孺
羈慕服勞寢興胡考安晏既以天年奉奉直公終瘁
毀立骨餘性而已居喪廬墓有乳燕之祥薦紳先生

屬詠成什御史廉得狀異之上翁孝廉不報服除補
故秩超通政司叅議銀臺通奏之司為 帝喉舌紫
宸秘嚴之地若接罄咳盛年宏材處之不疑謠謬當
心精彩刺目遂用廟灾援例得賜骸歸湖山故盟口
未寒林泉則夙心頓委尚平之微累既畢玄度之勝
具獨著或扁舟茗溪雪水之社或短屐武夷匡廬之
頂千里孤駕毋齎當時之糧門生故人為開康樂之
徑若乃志慕竒書手追名墨薄蹠尺一魯縞齊紈醉
瀟灑澁家至人屬春容寂寥汎言旁酬七步未頽八
又猶蹇足貴太冲之帟奚取相如之毫尤以多通樹

道下引為體林宗人倫之表太丘長者之風陽和溢
於眉宇春華粲手齒頰足使初交頓舊後進忘新既
遠游趣深坏瑾殊薄陸有思光之舟水具志和之宅
太嶽思御瀟湘動流三游在念有成言矣一疾委瘳
遂爾長往嗚呼哀哉乃子某等以世貞夙奉矜矜寵
之小友使操觚翰爰播旃素夫誄以志哀揆所由起
魯園死綏之勇沂督維係之戚叔持甘法仲武蚤夭
故使詞客陳此太師采風起沈浦之憲寬回商秋而
就暝今翁棄化去留無忤終始備福者五不朽有三
亦何哀之有哉然使盛德就祖則百年猶短高風永

閔則百身曷贖鉅城峴首殊抱荆民之泣太傅西州
尚起羊曇之慟爰狗舊典誰云不宜

諫曰族由令滋人以賢貴有斐壯武般般其裔播遷
於吳婁起高第仲臬于襄叔也藩寄食德者何伯有
詰嗣褰帷三輔脫屣雄刺蓬蒿自若松菊就植夷猶
清泌卒以完逝夫子挺生弗墮其聲水鑑朗悟機神
洞靈射策公車苴茅連城自濟而濮益稱仁明訟獄
時往謳謠互聆百堵薨薨衝波是馮彼莽萑蒲伏戎
馮陵捷若承蜩有泯弗形三牧于開日月無全閭甯
匿豪沒為公田犴鮮孳壘閻饒母錢守素如滌齋厨

蕭然單車就徵泣憶閻閻曰爽鳩氏 帝用旌賢峻

坂未躬白雲橫目志養斯榮大孝匪祿扶持以終居
然嬰服溪淙寫哀林颺助劬援琴乍弦弓旌交屬汝
作納言司 帝喉舌唯斗離辰莫喻親切終風自南
纜口回穴挂冠神武上書北闕七尺自如百組誰繫
叢桂含滋畹蘭生悅維昔謝公竟阻東山樂通失侯
憤疾於田寧如夫子心形默全瀑布界空幔亭衡烟
地肺幽阻天目螭蜒三江五湖衣帶之間鶴氅華陽
煜如神仙彼美司空遊於菰城皤皤黃髮三四老成
書謂夫子江東步兵白日未駕青山可盟把臂竹林

飛鷲蘭亭履鳥所抵一坐盡傾談天膽口懸河啓粲
季野陽秋汝南月旦後進爭輻名流忻讚雌黃既絕
吹噓獨擅陋彼嗣宗流思中散藹藹眉宇便便腹腸
四候唯春九曜絕霜入羣不亂泛跡母亢市隱岩通
漁麓樵江莫或名之亦莫可踪辭取師意書繇匠心
游戲墨池蹤橫藝林元常凝思子雲湛深卒以不朽
人用子箴子曰母尔余暢余襟弗鑿其天孰古孰今
汗竹湘縹流黃紈白朝披夕灑有請必獲戶競靈蛇
人誇拱壁不翼而蜚徧我南國蒼蒼窮簷叫窳陰壁
玄女所艱見子題蹟嗟予眇小龍門是登鹿尾胡牀

蟪蛄欲高圖書在圻蘭桂在庭惠而好我攜手同行
焉知來者謂余後生疇昔之歲余丁家禍繾綣夫子
寔來唁我渥丹其顏飄髮滄髮五嶽之期唯子是托
美疾見釐魯未改火僕夫飭轅餼糧就棗瀟湘之思
擲筆而化嗚呼哀哉天期既迫塵游曷藉桃源不春
柏房長夜翩翩素旒輶輶靈駕露歌未晞巷哭人詫
矯矯夫子寔超生死應迹而來乘理而逝銀艾其表
蘿薜其裏傳子隱逸非子之始傳子名卿非子之止
微言可述徽容莫紀玄心慧覺佛輪儒軌嗚呼哀哉

禮部主事華起龍誄有序

明萬曆甲戌之夏五月故翰林院侍讀學士華公卒
其季子禮部主客司主事叔陽字起龍以哀毀得癘
疾明年秋九月竟終於苦次春秋甫二十有九嗚呼
哀哉揚仲武之清才雋茂王子安之藻理秀發並以
茲年而同厥厄何造物之戲人驟予而驟奪也起龍
少負穎質風標鮮令爲學士所鍾愛訓勵尤切雖銅
盤別食寵異等乎道彥而青衣受檟切磨幾於廷碩
柔愛義方庶幾並行不悖矣以故舞象之歲褒然邑
庠歌鹿之秋甫踰弱冠凡有撰述膾炙人口尋舉進
士高第拜工部都水司主事出視稅武林作其志也

內迫晨昏烏鳥之戀外慕汗濁蟬蛻之趣懇疏引疾
予告南歸溫靖之暇縱心遠古模楷作者蓋卓然有
成矣既告滿三載補刑部四川司主事委積館舍不
忝懷方之職填繕巾脂無煩鄭僑之對至於鈞別奸
隱祛掃宿猾雖謠詠狂響行之自如尋以念學士乞
歸星言載馳獲伴無方之養者踰半載俄而學士疾
亟湯藥躬調遂有刲股之舉含殮甫畢遽成歐血之
慟哀慈在堂二稚依膝割戀人世追踪泉臺諸所未
終一念畢矣夫其汪洋竹素揮霍毫翰颯若風鳴落
若霞舒雕虫之士徃徃媿奪而務在剪裁雜托冲淡

乃其就者亦既斐然陶謝之藩旦暮可啟而又旁通
釋典兼曉宿因臨池之染多托經藏性不食酒而從
容欵宵居無雜交而慷慨傾橐至於名畫法書商彝
周鼎揮金懸募幾侔秘苑此子無死故未可量也子
之元配寔余淑女圭璧表其圓方鸞鳳協其鳴和天
之不造先子而天帳蕙久荒墓中載宿而余猶柢遲
世途俯仰物變以此言哀哀可知已乃作詩曰

天族惟殷華為國楨魯紀司馬貴而不名右師睥睨
卻楚以情嶠定顯晉厥宗通靈孝子絕婚嗣乃繩繩
其麗不億以逮于明四業驚馳衿紳勃興子之先君

諱吉士橫經虎幄紉簡金匱處榮能割未滿思退

匪爵而封爰政鄉遂聲華四垂門故三事晚而消搖
與物靡際其心則長以貽善繼子之覽揆鱗祥在夢
籃田嘉玉丹穴威鳳秀朗天植穎悟如縱累帑立掃
千言閤誦公車之作世所摹風鷄山歌鹿龍江攄虹
伯既難况功孰與仲取標南宮射策金馬雋掩同升
芳馳都下洛陽少年正平大雅車停縱觀帝貴傳寫
降心玄古力絀輕治倍仰時人和者寧寡厭跡水部
脫蒿梓鄉齋慄蕞蕞退而洋洋跌宕詞林從容藝塲
靈威古文金雞琳瑯倫覽菴鎔敦夏葵商不蹙而趨

集子之堂長卿自娛文園養寂王程外嚴親命中迫
寅恭秋憲神明三尺

帝曰汝良改隸宗伯周氏懷方漢典屬國子始為政
剔其垢積賓至若歸吏怖徙匿道行九夷聲流重譯
陟岵興懷循陔致思嚙指高堂使我不怡神虎朝掛
雲龍夕辭歸者及門病者起惟如登春臺如含醴飴
既翕且毓將永天期天期驟迫奪我嚴父冠無畫櫛
寢不夕處回生可希敢愛其股嘔血長號鷄骨支柱
曾不踰年追軌九土子之哀慈早暮悲啼子之二孤
或泣或嬉建禮清曹天衢南夷素僕之藏南珎陸離
凡子所殲一旦若遺天既奪之昔胡貽之嗚呼哀哉
星隕珠沈蘭摧玉折鍛羽鴟雛傷蹄汗血密戚哀擗
英游痛咽濬冲死孝長謙才絕人孰無悲悲子為烈
子之遺文百有餘篇銳情魏晉旁謝及顏已窺厥藩
惜不假年其骨雖朽其言足傳子無沒眦余操子權
英英淑女獲配君子先子而往以身辱螳若父乃舅
亦且老矣仰休天裁俯慨人理臨穴莫從纏恨素梓
嗚呼哀哉

臨淮侯李公誄

萬曆甲戌秋九月都督留守諸軍領中軍府事臨淮

侯盱山李公以疾請解機務詔許之公之冢僧言恭
方統熊罷不二心之士環衛左右上書請急扶侍輟
直以行又三月而公捐館舍 上為震悼罷朝賜祭
者五黃腸題湊象廬之墓一切自尚方給造禮也公
之先世恭獻王以長厚托肺腑武靖王以雄略長爪
牙遂啟大國從祀

高廟鼎革之際疑跡失封中興之朝優詔光復易世
載德不忝惟公公孕女斗濯濯之秀負淮泗湯湯之
表研洞韜略敦詩悅禮

世廟丙申之歲踰冠襲侯

天子有事園丘上 皇天大號公以虎翼慮無駿奔
陟降特拜蟒繡裘蹄之賜先後持節冊封周藩及遣
祭榮吉二邸視不遇檜自泯單成之灾賻必以禮河
取宰咍之誚已事遄反毋淹館薪遂佐留省右軍之
帥悔智杜權任真推分祭戟之地凝塵湛如也竟以
材武茂異推督江防戒嚴受服之日勵節絕甘之守
時適有島寇流犯內甸公出次江滸以死誓衆餘皇
蔽空覩一毫而進止組練曜日唯余馬之所嚮蒼兕
呼而妖氛息素車退而怒濤歛水奏鯨鯢之戢陸鮮
鳴吠之警尋有 詔入領左軍都督府河內陳借寇

之辭美稷弘待期之信還理所任遷佐督留守諸軍
璽書褒美優贈三世比於周宣之召廟諸邦艷之俄
度支弗繼士用流言披猖脫巾倉卒倒刃公佐其長
以柔道宛解徐置諸理祭形著勩獨蒙逗遛之徵汧
督元危弗寬質首之妬甫爾解綬尋蒙賜環進領左
軍再被江寄進平蠻將軍為全楚大帥勃盧谿子之
統咸縛長繩繫首卉服之頑爭諛短韻行商樂乎野
次遺乘安于栖畝入長東樞出總漕政公銳思善後
詳不盡力所上五議朝議是馮吳會之飛艘相尾每
先告期救倉之積粟如山更憂陳積夫蕭相轉餉特
表元勳車侯富民乃昭至意而公以微文見詆還佐
其府俄而漕功就白 人主偉其事而嘉其不伐改
統中樞督留守諸軍事陪京大小庶務悉以委之竹
馬遵澣袞衣在洛太尉之節甫入臨淮之令尚新
天子以大軍大帥貴在得人元戎啟行 溫詔敦促
公念母太夫人老不能奉板輿而北上書力辭至再
始拜 俞旨原廟之衣冠出游誰為執御光烈之紉
帛猶在時當護存公以宿將之隆受祠官之托厥意
深矣溫靖之美芥視三公菽水之調耳踰五鼎
天子雖難公之情而弗釋其用竟仲留守前命七萃

三翼之輩精采頓新長干大桁之間謹呼載道公簡
易持已含博為政雖錫難老猶歌來暮而天不愍遺
一疾告薨春秋甫滿六十雖未登上壽而享國三十
有九年三聘諸王兩佐南北樞四長其府一帥全楚
握漕務佐留守再督江防一總禁兵未拜諸徹侯功
臣艱大之任靡弗綰南北要害之地靡弗歷璽書符
印節鉞之頒無虛歲尚方金綺楮幣珍鮮之貺無虛
月言恭孝隆繼述材備文武昔師望表海伋將虎賁
平陽入相密直禁禦代興之李何以異茲顯則綸綍
幽惟金石足以燁耀東第黼袞千古尤欲累生時之
德行注送往之旒於爰以不朽屬之儒生爰紀榮哀
托之客卿敬為誄曰

漢有飛將唐推藥師奕世靈武昭聲鼎旂赫赫
高皇托肺隴西以故岐陽四張天威平犂二庭橫絕
焉支王漸休屠血我留犁迺開大邦及嗣而徵元康
求舊錫金公乘至我文侯爰七其命七命伊何匪號
匪鄭叔旂綏章勇爵鞶鏡三藩之禮侯始為政風談
晝霽周還慎靚赫彼留京王業所馮我侯戾止如雷
如霆樓船在江練凱自鳴蠢茲島夷惕息奔崩儲胥
不驚以翼 孝陵弗遲悍士仇我司計三事大夫首

鼠匿辟侯曰毋爾汝育汝事國有三尺汝毋自厲攢
鋒浴水抽矢叢蝟片言立解削彼豪橫踐踞層關賴
爾即安如何壬夫搖之筆端闔門養重閉閣謝譽王
節金符以靖楚藩紓爾戎韜捷彼荆蠻侏馱與飲魁
編請冠纛纛六軍寄命於漕 帝睠中顧曰吮春膏
批循其師以爭風濤為雪千廂如雲萬艘輸無後期
士鮮告勞鄴既有庸滉乃愧驕鍾山龍蟠石城虎峙
永奠南極上公所理惟侯再命斧鉞弓矢車熊大桁
竹馬江汜肅肅徒御粲粲門子介冑徵文祭戟象禮
三十九載珥貂垂瑜如履室堂中權左樞如鴻北南
天京舊都壓絲螭文燭銀鬃模貝帶劍翻朱紫僕姑
賜無虛月庫不絕書棟椽示凶河魁告變詔嗣祈天
星信飛傳百身曷贖一徃奚戀阻彼荀視母煩史諫
傾都雪涕中朝流唁訃音上聞怵我
聖皇蜜印朱芾栢柳黃腸鼎烹以享悉從尚方介士
輕車歸侯於藏易名之典以侯大常元勳肇國紛莫
可紀金貂網罟旅葵生圯侯興繼紀令聞遐邇有子
而賢世濟湫羨冒社之木其橋覆梓俯仰遺德侯誰
在矣嗚呼哀哉

孝豐吳宜人誄有序

古誄贊歌頌以著於閨第之懿者言婦德不外見也
乃若純動誠格自掩彌布淑教所施溢於閭右貽厥
孫枝此何以例焉王子曰予讀吳太宜人傳而志之
太宜人事其姑謹姑病再剖肉作糜進病良已即秘
之弗復語於人相有山大夫起家甲州郡而好施予
鄉之無饒者凍者骨暴野者川無厲道無塗疫無昏
棄翳大夫是頌有丈夫子二伯佐廉訪仲參政行省
率其教所蒞有聲實諸孫維嶽以文學位郎署必者
朗秀林立盛哉敬為紀之其詞曰

翟宜人佩芬結英夙習婉婉內閑未章作嬪於吳

吳宗之慶爰相夫子配發厥祥一伊何早遭離孽於
姑我姑未遑曷恤其膚矢神自剖載告迺俞迄以終
考左右服扶二夫子克寄閭政是齊遠遠千指曷聞
嗚嘻歲時蒸嘗潔鮮殷肥體絕阿錫首靡華筭三以
儉成豐以豐侈予左粥右續以待鰥寡亡暴中野亡
暘行旅豈曰季從豈曰姊舅四凡我言民慶祝吳宗
惟吳之豐我生曷恫赫赫南山是采是馮匪著閨祚
實啓家邦五伯服憲紀輯嶺粵周道中否弗咎其
轍仲司考功如鑑斯別並協肥遯以貽象德六南山
不騫厥澤儷有榮芝產秀謂期億年忽是中涸人理

曷延環色排側宗姻而連七 仙姿不春玉魄長夜忘

憂悴堂合歡委樹總帳風捲粧臺霜卸月支罷香疇

返靈駕八 姑謂令婦子曰聖母四德咸懋諸福萃與

豈無才矚祗茲財虜亦有姬姜女則奚媿九 德曜可

字公父嗣賢玄霜屢易徽音邈綿我因聞孫敬圖不

刊敢托彤管播之素旃十

哀辭二首

哀岳義士君寵辭有序

明嘉靖二十又六載大司馬臣論言江淮帥臣言偏

將軍沃田與倭寇戰不利功千夫長岳君寵免甲持

賊以馬死之下御史覈如奏臣論昧死言君寵故暴

從田間應

詔一旦捐棄性命報塞

大恩宜錄贈如例

詔曰可其贈君寵千戶子一子官官如君寵先是江

淮帥臣檄青州兵備使者王世貞募卒三千人使者

募三千人異軍蒼頭特起君寵屬推擇為長當行使

者觴而命之既受觴跽曰不佞不手膾大酋肝吾躡

吾頭而報使者壯之居無何竟以死報嗟夫君寵所

謂草莽食力之臣也捐妻子嬰鋒刃胡為乎哉且使

者業已蚤貴獵金紫日費縣官廩百倍若矣從諸董
上先生談說治亂不亦翹然鬚鬢男子哉然而坐視
寇披猖未有救也使者碌碌磬折以無當也即飽死
何以見君寵地下為君寵指屈兵興 天子後先推
轂將帥即坐逗遛徵數矣未聞有以馬革裹屍者抑
何餒悖失策也是不幸而不得君寵死又君寵之鄉
中人好勇尚氣固其俗然諸為奸借軀報讐亡命種
種法死者私鬪死者其人技能自視豈盡君寵下哉
然而授餘肉大彘不食也於乎君寵得死矣使者敬
為楚語一章下神而怡之辭曰

鼙鼓發兮殷殷鳴鸞刀兮血管陳靈之降兮亡期將
吳會兮與余仇駕虹車兮曳篲旂左駙豹兮右駟螭
手余元兮抉余腸渴滄溟兮肉鯢鯨將告成兮東沂
江冥冥兮翼靈飛憤而往兮惟來旋群殤從兮為厲
先蕩橫殺兮漢齊田靈逍遙兮以長年

哀趙節婦辭有序

明嘉靖三十又六載安丘父老言張氏女死事張故
書生趙東周婦歸亡何趙生坐羸疾困且殆張日夜
不解髻奉湯藥浣中裙廁踰指盡瘁願謂趙生即不
令若獨死趙生死張大號泣三日漿水不入口以間

起自縊衆覺解不死已再縊再覺解不死張度亡柩
謬為守者謝姨輩勞苦生肉冷矣亡及矣吾寧不愛
雀鼠之息為姨輩憂三月而守者信之少懈怠夜起
更衣蓋棺側解之係絕矣分巡使者王世貞異其事
下青州守守下安丘令徵諸博士弟子偕父老言張
氏故書生趙東周婦為東周死具如前狀宜旌使者
為上御史奏未報則以一少牢祀趙烈婦於乎齊佶
侈任俠好相雄長以利固尔無益氏之賈術史覈女
之鳥合志傳苟賞以為明智僅二千餘年而烈婦始
天洗之快哉雖然

今皇帝風勵誼行化浹既世矣而以使者所目覩委
節捐脰之事往往不在詩書而在甲冑又其甚迺不
在孤矢而在帷幃也可慨也使者愧為男子矣于是
敬為楚語一章下神而虞之其辭曰

蕙羞蒸兮葯房汎霞膏兮薦天觴脩眸兮瑜璫靈將
假兮中彷徨悵獨御兮亡懼頽幽姿兮不可干昭昭
兮啓明將薄鑒兮子微誠靈肅肅兮雙袂偕子仇兮
來而逝轅連栢兮輓扶荔驂和鸞兮朝

上帝

鎮州山川志

卷之二

三十三

世續

